



續古文苑卷第十五

賜進士及第授通奉大夫山東通省督糧道加三級孫星衍撰

碑志一

三公山碑

元初四年常山相隴西馮君到官承饑衰之後眾惟三公御語山三條別神迥在領西吏民禱祀興雲膚寸徧雨四維遭離羌寇蝗旱鬲斥民流道荒醮祠希罕敬奠不行由是之來和氣不臻乃來道要本根其原以三公息廣其靈尤神處幽道艱存之者難卜擇吉土治東就衡山起堂立壇雙闕夾門薦牲納禮以寧其神神燾其位甘雨屢降報如景響國界大豐穀

續苑十五

外三錢民無疾苦永保其年長史魯國顏浮五官掾閻格戶曹史紀受將作掾王籊元氏令茅匡永吳音廷掾郭洪戶曹史翟福工宋高等刊石紀焉翁氏釋文規誤

作視衡山上脫就字

漢榮口石門碑

漢邊詔

惟陽嘉三年二月丁丑使河隄謁者王誨疏達河川適荒庶土往大河衝塞侵齧金堤以竹籠石葺土而為塌壞墮無已功消億萬請以濱河郡徒疏山采石壘以為障功業既就徭役用息辛未詔書許誨立功府卿規基經始詔策加命遷在沈州乃簡朱軒授使司馬登令纘茂前緒稱遂休功登以伊洛合注大河



南則緣山東過大伾回流北岸其勢鬱蒙濤怒湍急
激疾一有決溢彌原淹野蟻孔之變害起不測蓋自
姬氏之所常感昔崇鮐所不能治我二宗之所劬勞
於是乃跋涉躬親經之營之比率百姓議之於臣伐
石三谷水匠致治立激岸側以捍鴻波隨時慶賜說
以勸之川無滯越水土通演役未踰年而功程有畢
斯乃元勲之嘉課上德之宏表也昔禹修九道書錄
其功后稷躬稼詩列於雅夫不憚勞謙之勤夙興厥
職充國惠民安得湮沒而不章焉故遂刊石記功垂
示於後其辭云云案酈氏云石銘歲遠字多淪
缺其所滅蓋闕如也謂此使河
隄謁者山陽東緡司馬登字伯志代東萊曲成王誨

續苑十五

字孟堅河內太師宋城向豹字伯尹丞汝南鄧方字
德山懷令劉丞字季意河隄掾匠等造陳留浚儀邊
韶字孝先碑云陳留邊韶字孝先頌漢人立碑之
載撰文姓氏者惟此又云伊洛合注大
河南則緣山東過大伾足證漢人所言大
伾在成臯不如臣瓚以黎陽山當之也

敦煌太守裴岑紀功碑

惟漢永和二年八月敦煌太守雲中裴岑將郡兵三
千人誅呼衍王等斬馘部衆克敵全師除西域之灰
同蠲四郡之害邊竟艾安振威到此立海祠以表萬
世海祠言祠在西
海或作德祠誤

濟陰太守孟郁修堯廟碑

漢永康元年月惟昔帝堯聖德慶苞宏號赫

赫蕩蕩垂基赤精之胃。爲漢始別陵氣炎煜。上交倉
元魏魏之盛。乾川見徵。敬修宗壑。長吏奉祠。三牲粢
饌。獻珍于時。俵著燿銘。宣颺厥休。乃招禎祥。萬是
來。鴻名遂顯。傳于千秋。

濟陰太守河南偃陟孟府君諱郁字敬達。治尚書經。
博覽衆文。天姿瑋度。體性溫仁。闕極道之要妙。游觀
六藝之原。掇旋機之政。務在濟民。歷典六郡。威教若
神。遺訓垂歌。淵懿允純。功績煥炳。思如浩倉。咨招巖
穴。股肱賢良。廣祈多福。雯雯夙興。聞帝堯陵在成陽。
遣戶曹掾史。具中牢祠。常以甲子曰。與西宮樂生。俱
詣大聖。陳上古之禮。舞先王之樂。鞞磬祝圉。五音

續苑十五

之儀。莫不盡備。敷列技藝。以榮大聖。延熹十
年。仲春二月。陽氣浸陰。始雩。來享祀羣神。仰瞻雲
漢。孟府君奉宣詔書。行縣到成陽。將辭帝堯。行禮未
周。則景雲四集。翔風膏雨。即時大降。嘉澍優沾。利茂
萬物。陰陽和協。百姓賴福。是時。欣然。悅諸產
繁殖。倉庾充塞。孟府君深惟響應。效之經典。知聖堯
精靈。與天通神。修治。壑地致墉。湖石關二坐。昭
配帝圖象。規矩五。畫上下相承。無所遺失。陟工
旌密。有班道之巧。使府內百石。城吳諱升字三君。
守衛園陵。興置屋。詔書大祠。并與縣令丞。恭奉肅
敬。齊絜炊爨。莫不雍雍。列種柏樹。吏卒養護。南通靈

臺東注城域委曲月市。墀然望圖紀萬世功。驗永著時令河南。河南呂君諱亮字元山。宰政宣化。慈惠博覆。為藜元來福。奉事大聖。司司不解。垂拱無為。如治。案今本隸釋誤治為始。據洪文惠跋云。其言無為如治。正之如即而字也。其允君也。丞河內州王諱萇字伯盛。左尉潁川潁陽。諱信字世高。皆闕綜睢。藝通洞運度。詢于上下。僉然同謀。因孟府君飭治大壑。自率掾史。駐駕便坐。南北望表內相副。赫如屋楮。蘭然成就。孟府君必受大聖嘉福。公侯傳子孫。濟陰吏士歌術功稱。萬世常存。成陽丞民蒙其榮賜。訓發聲。呂君諸壁。干祿于天。令裕衍尊。永汜无窮。

續苑十五

9

惟序仲氏。祖統所出。本繼於姬。周之遺苗。天生仲山甫。翼佐中興。宣平功遂。受封於齊。周道衰微。失爵亡邦。後嗣乖散。各相土譯。居帝堯萌兆。生長葬陵。在於成陽。聖化常存。慕魏魏之盛。樂風俗之美。遂安處基業。屬都鄉高相里。因氏仲焉。以傳于今。子孫承緒。履仁好義。耽樂道術。教授經業。雍徒帶眾。滋滋汲汲。誨人不倦。海內稱之。曰瀉術之宗。天監孔明。祚善應。印緋相承。銀艾不絕。稟性乾元。世世廉約。故能高如不危。滿如不溢。孟府君繕飭殿廡。立百石舍。仲氏宗家。共作大壑。前石礪階。陞欄楹。貧富相扶。會計欣懽。不謀同辭。錢應時即具。招工募石。燁然俱至。各進琦

巧不日成之。詔書九月三往。大祠諸所。造作煥然。成就仲氏宗家。並受福賜。復刊碑勒諫。昭示來世。表著孟府君美勛於陽。昧疑得字紀祖禋所出。官位宦學。皆不可測。子子孫孫。必蒙大聖。休烈之福。以勸後進。昌熾無極。

淳于長夏承碑

君諱承。字仲充。東萊府君之孫。大尉掾之中子。右中郎將弟也。累葉牧守。印紱典據。十有餘人。皆德任其位。名豐其爵。是故寵祿傳于歷世。策薰著于王室。君鍾其美。受性淵懿。含和履仁。治詩尚書。兼覽羣藝。靡不尋鳴。州郡更請。屈己匡君。為主薄。督郵。五官掾。功

續苑十五

曹上計掾。守令冀州從事。所在執憲。彈繩糾枉。忠絜清肅。進退以禮。允道薦愛。先人後己。克讓有終。察孝不行。大傅胡公。歆其德美。旌招俯就。羔羊在公。四府歸高。除淳于長。到官正席。流恩褻義。糾姦示惡。旬月化行。風俗改易。轡軒六轡。飛躍臨津。不日則月。皓天不弔。殲此良人。季五十有六。建寧三季六月癸巳。淹疾卒官。嗚呼痛哉。臣繇辟踊。悲動左右。百姓號咷。若喪考妣。啖孤憤泣。忉怛傷摧。勒銘金石。惟以告哀。其辭曰。

於穆皇祖。天挺應期。佐時理物。紹縱先軌。積德勤約。燕于孫子。君之羣感。並時繁祉。明明君德。令問不已。

高山景行。慕前賢。劉庶同如蘭。意願未止。中遭寬天。不終其紀。夙垂寶祚。早喪懿寶。抱器幽潛。永歸高里。痛矣如之。行路感動。黨魂有靈。罔後不朽。

成陽靈臺碑

惟帝堯母。昔者慶都。兆含穹精。氏姓曰伊。體蘭石之操。履規矩之度。則乾川之象。通三光之曜。游觀河濱。感赤龍交如生。堯厥後。堯來案當是祖統。慶都告以河龍。堯歷三河。有龍投圖。躬行聖政。以育苗萌。火陽之盛。先閭後明。遂以侯伯。迹踐帝宮。慶都僊歿。蓋殽于茲。欲人莫知。名曰靈臺。上立黃屋。堯所奉祠。下營以水。神龍所熹。靈龜隱刑。汾踊波流。比目鮪魚。濯鱗

續苑十五

六

通泉。元礫菟蠶。生逆臺涯。貫長歷久。崇如三代改易。荒廢不脩。五運精還。漢受濡期。興威繼絕。如堯為之。承祠基年。鮪魚復生。故有靈臺。畜夫魚師。衛仕驛憲。鮪魚服之。逆壽之際道小。衰沮。遂遭亡新。禮祠絕矣。於是故廷尉仲定。深惟大漢隆盛。德彼四表。大平未至。靈瑞未下。四夷數侵。軍甲數擾。匪皇啓居。日覆不夏。案經考典。河洛祕奧。漢感赤龍。堯之苗胄。當脩堯祠。追遠復舊。復治黃屋。推原聖意。灾生變見。天以謹告。前後奏上。陳敘大義。招祥塞咎。為漢來祚。朝廷克省。帝納其謀。歲以春秋。奉大宰祠。時廷尉選位。連自兩漢金石記云所見重刻表奏。詔英嘉命。

遂見聽。為大中大夫。歸治黃陂。令月吉日。圖立規塋。興業會工。厥覲夷平。上合天意。下應。鎊五色華精。上重刻本闕通天。戶嚮少陽。前設大壁。俟神之堂。地致石墀。其下清涼。可舞八。以。大章時濟。陰太守魏郡審晁。成陽令博陵管遵。各遣大掾。輔助仲君。經之營之。不日成之。神靈精氣。依怙於人。廢之則亡。存之則神。復仰羣宗。貧富相均。共慕市碑。著立功訓。勒石銘中門之表。卜擇元日。齊革精誠。先薦毛血。謹慎犧牲。祈祠獲福。神享其靈。甘雨時降。百穀孰成。幽荒率服。徐方來庭。萬國蒙祉。犁元賴榮。莫不被德。咸歌頌聲。其辭曰。

續苑十五

七

於赫慶都。德彊大兮。承神精耀。統赤裔兮。爰生聖堯。名蓋世兮。上受符命。返帝制兮。廣彼之恩。流荒外兮。歷紀盈千。垂遺愛兮。陵廟復崇。享大祭兮。上來多怙。降福沛兮。萬國禧寧。孰不賴兮。光宣美勛。永。蔽兮。垂視。凶極。億萬歲兮。

濟陰太守魏郡陰安審君諱晃字元讓從公車令來。成陽令博陵蠡吾管君諱遵字君臺從東明門司馬來。丞穎川新汲尹茂字伯舉。遷下邳尉。尉穎川襄城楊調字君舉。仲訢伯海從右中郎將。遷鉅鹿太守。仲球伯儀從大尉掾。遷呂長。仲選孟高。辟司徒府。遷徙不絕。皆興治大聖黃屋之力。

建寧五年五月造

司隸校尉楊淮碑

故司隸校尉楊君厥諱淮字伯邳舉孝廉尚書侍郎
上蔡雒陽令將軍長史任城金城河東山陽太守御
史中丞三為尚書尚書令司隸校尉將作大匠河南
尹伯邳從弟諱弼字穎伯舉孝廉西鄂長伯母憂去
官復舉孝廉尚書侍郎遷左丞冀州刺史大醫令下
邳相元弟功德牟盛當究三事不幸早隕國喪名臣
州里失覆二君清頌約身自守俱大司隸孟文之元
孫也

黃門同郡卞玉字子珪以熹平二年二月廿二日謁

續苑十五

歸過此追述勒銘故財表記財即尋字或誤釋為財

武都太守耿勳碑

漢武都太守右扶風茂陵耿君諱勳字伯瑋其先本
自鉅鹿世有令名為漢建功俾侯三國卿守將帥爵
位相承呂迄于君君敦詩說禮家仍典軍壓難和戎
武慮慷慨呂得奉貢上計廷陳惠康安遏之謀上納
其謨拜郎上黨府丞掌令考績有成符莢乃洪闕今補肱
熹平二年三月六日郎洪闕到官奉宣詔書哀閔垂恩
猛不殘義寬不宥姦喜不縱慝威不戮仁賞恭罰否
畀主洪闕今補奧流其於統系洪闕今補寵存贈亡篤之至也
歲在癸丑厥運淫雨傷害稼穡率土皆議開倉振澹

身冒炎赫火星之熱至屬縣巡行窮匱陟降山台經

營拔涉草止露宿扶活餐洪闕今補兩漢金餐洪作石記云下半從食餐今

改千有餘人出奉錢市洪誤作洪誤衣賜給貧

乏發荒田耕種賦與洪闕寡獨王佳小男楊孝等三

百餘戶減省貪吏二百八十人勸課洪闕超時百姓樂

業老者得終其壽幼者得呂全育甘棠之愛不是過

矣又開故道銅官鑄作錢器興利無極外羌且居洪闕

補今等佈威悔惡重譯乞降修治狹道分子効力復大

洪闕此小民洪如得眾北之歡心可謂印之若明神

者已夫美政不紀人無述焉國人僉洪誤嘆刊勒斯

石表示無窮其辭曰

續苑十五

泰華惟岳神曜吐精育茲令德既茁且明寔謂耿君

天昨顯榮司牧莅政布化惟成柔嘉惟則穆如風清

勤卹民隱拯阨扶傾洪闕皇啓處洪闕東撫西

征赤子遺慈呂活呂生山靈挺寶甸穴洪闕乃洪誤

平愷悌父母民賴呂寧熹平三年四月廿日壬

戌西部道橋掾下辨李樞造此碑校隸續有不同及多出者詳每字下

豫州從事尹宙碑

君諱宙字周南其先出自有殷迺迄于周世作師尹

赫赫之盛因以為氏吉甫相周宣勛力有章文則作

頌武襄獫狁二子著詩列于風雅及其元孫言多世

事景王載在史典秦兼天下侵暴大族支判流僊或

居三川。或徙趙地。漢興以三川爲潁川。分趙地爲鉅
鏡。故子心騰於揚縣。致位執金吾。子孫以銀艾相繼。
在潁川者。家于僑陵。克纘祖業。牧守相亞。君東平相
之元。會稽太守之曾。富波侯相之孫。守長社令之元
子也。君體溫良恭儉之德。薦親於九族。恂恂于鄉黨。
交朋會友。貞賢是與。治公羊春秋經。博通書傳。仕郡
歷主簿。督郵。五官掾。功曹。守昆陽令。州辟從事。立朝
正色。進思盡忠。舉衡以處事。清身以厲時。高位不以
爲榮。卑官不以爲恥。含純履軌。秉心惟常。京夏歸德。
宰司嘉焉。季六十有二。遭離寢疾。熹平六年四月己
卯卒。於是論功敘實。宜勒金石。乃作銘曰。

續苑十五

十

於鑠明德。于我尹君。龜銀之胃。弈世載勛。綱紀本朝。
優劣殊分。守攝百里。遺愛在民。佐翼牧伯。諸夏肅震。
當漸鴻羽。爲漢輔臣。位不福德。壽不隨仁。景命不永。
早即幽昏。名光來世。萬祀不泯。

溧陽長潘乾校官碑

蓋漢三百八十有七載。于。銘功著
斯金石。其誄曰。

溧陽長潘君諱乾。字元卓。陳國長平人。蓋楚太傅潘

崇之末緒也。君稟資南霍洪闕今補之禮。天洪闕今依

單禧釋文兩漢金石記德之絕。搯鬢髦克洪闕今依敏

砥洪闕今補學典謨。祖講詩易。剖演奧藝。外覽百氏。

家洪作衆儁洪闕依單釋兩挈聖抱不測之謀秉高世

之介屈私趨公即仕佐上郡位既畢洪作重孔武赴箸

疾惡義形從風征暴執訊獲首除曲阿尉禽姦爰猾

寇息善歡履蒞竹之廉蹈公儀之絜察廉除茲初案

字當初未詳碑厲清肅賦仁義之風脩洪闕親取寶智進

之迹筮化放虐岐周流愛雙虐洪闕親取寶智進

直退慝布政優優令儀令色獄無呼嗟之寃壅無叩

匈之結矜孤頤老表孝貞節重義輕利制戶六百省

無正絲不責自畢百姓心歡官不失實於是遠人聆

聲景附樂受一塵既來安之復洪闕依役三年惟泮

宮之教反失單釋俗之禮構修學官洪作宗懿招

德既安且洪作寧干侯用張匱豆用敝發彼有

的雅容洪闕閑鍾磬縣矣于肯樂焉乃作敘曰

翼翼聖慈惠我羣蒸貽我潘君平茲溧陽彬文赴武

扶弱抑彊洪闕劉靛雄流惡顯忠咨疑元老師取

作朋修學童冠今補琢質繡章實天生德有漢將興尚且

在昔我君存今即洪闕依此龜艾遂尹三梁永垂支

百民人所彰子子孫孫卑尔熾昌

丞沛國銓趙勳字萼伯左尉河內汲董並字公房右

尉鴻章南昌程陽字孝遂

時將作更名戶曹掾楊淮議曹掾李就議曹掾梅洪

桓依單檜戶曹史賀洪從掾位侯祖主記史吳超門

下史吳訓門下史吳翔門下史時球

光和四季十月己丑朔廿一日己酉造

此碑校隸釋有不同及多

出者詳每字下反失俗之禮建康志作決拾之禮視碑實為失俗元至順癸酉濟陰單禧釋文是矣

郃陽令曹全碑

君諱全字景完敦煌效穀人也其先蓋周之胄武王

秉乾之機翦伐殷商既定爾勲福祿攸同封弟叔振

鐸于曹國

兩漢金石記誤脫此字

因氏焉秦漢之際曹叅夾輔

王室世宗廓土序竟子孫遷于雍州之郊分止右扶

風或在安定或處武都或居隴西或家敦煌枝分葉

布所在為雄君高祖父敏舉孝廉武威長史巴郡胸

忍令張掖居延都尉曾祖父述孝廉謁者金城長史

續苑十五

十一

夏陽令蜀郡西部都尉祖父鳳孝廉張掖屬國都尉

丞右扶風隃麋侯相金城西部都尉北地太守父琰

少貫名州郡不幸早世是

兩漢金石記誤脫此二字

位不副德

君童齟好學甄極斐緯無文不綜賢孝之性根生於

心收養季祖母供事繼母先意承志存亡之敬禮無

遺闕是以鄉人為之諺曰重親致歡曹景完易世載

德不隕其名及其從政清擬夷齊直慕史魚歷郡右

職上計掾史仍辟涼州常為治中別駕紀綱萬里朱

紫不謬出典諸郡彈枉糾邪貪暴洗心同儻服德遠

近憚威建寧二年舉孝廉除郎中拜西域戍部司馬

時疏勒國王和德弒父篡位不供職貢君興師征討

有充臆之仁。分醪之惠。攻城野戰。謀若涌泉。威牟諸
賁。和德面縛。歸死還師。振旅諸國。禮遺且二百萬。悉
以薄官。遷右扶風。槐里令。遭同產弟憂。棄官。續遇禁
囚。潛隱家巷。七年。光和六年。復舉孝廉。七年三月。除
郎中。拜酒泉祿福長。詠賊張角起兵幽冀。兗豫荆揚。
同時並動。而縣民郭家等。復造逆亂。燔燒城寺。萬民
騷擾。人裹不安。三郡告急。羽檄仍至于時。聖主諮諏
羣僚。咸曰。君哉。轉拜郃陽令。收合餘燼。芟夷殘迸。絕
其本根。遂訪故老商量。案碑陰云。縣三。傷艾王敞王
畢等。恤民之要。存慰高年。撫育鰥寡。以家錢糴米粟。
賜瘠盲大女桃斐等。合七首藥。神明膏。親至離亭。部

續苑十五

十三

吏王臯

案此臯字也。各家釋作宰非。

程橫

案碑陰云。故市掾程橫。孔休蓋橫。同字耳。

等。賦與有疾者。咸蒙瘳。俊惠政之流。甚於置郵。百姓
緦負。反者如雲。戢治廡屋。市肆列陳。風雨時節。歲獲
豐年。農夫織婦。百工戴恩。縣前以河平元年。遭白茅
台水灾害。退於戌亥之間。興造城郭。是後舊姓。及修
身之士。官位不登。君乃閱縉紳之徒。不濟。開南寺門。
承望峯嶽。鄉明而治。庶使學者李儒。案碑陰云。徵博
士李儒。文優。
藥規程寅等。各獲人爵之報。廓廣聽事官舍。廷曹廊
閣。升降揖讓。朝覲之階。費不出民。役不干時。門下掾
王敞。錄事掾王畢。案碑陰云。故門下掾王敞。元
方故門下議掾王畢。世異。主簿
王歷。戶曹掾秦尚。案碑陰云。故功
曹秦尚。孔都。功曹史王顥等。嘉

慕奚斯考甫之美。乃共刊石紀功。其辭曰。
懿明后。德義章。貢王庭。征鬼方。威布烈。安殊荒。還陟
旅。臨槐里。感孔懷。赴喪紀。嗟逆賊。燔城市。特受命。理
殘圯。芟不臣。寧黔首。繕官寺。開南門。闕嗟峨。望羊山。
鄉明治。惠沾渥。吏樂政。民給足。君高升。極鼎足。
中平二年十月丙辰造。

秦君碑

余聞湯武千載。周孔異世。以義相高。况余忝祿。踐跡
遵基。竊慕揚善。喟然而嘆。其鄙辭曰。

於穆秦君。命世優邁。承祖皇。裔出畢。紀行錄功。
必本其初。惟君總角。勵志仲尼。從容六藝。佃田疇。

續苑十五

十九

升階英妙。轉典蒸黎。為政崇博。五教並和。仁賢敘位。
法依蕭何。囹圄空虛。鄉無逋逃。凡百肅雍。莫不率從。
境內既寧。路不資遺。耕夫千畝。餘種不歸。立清介白。
食茹拔葵。三年有成。嬰兒謠歌。鼓腹喜德。踊躍嘔唏。
水靜魚集。國富民繁。戶增十倍。牧守孔嘉。怒不斷刑。
寬不容非。化准邠邵。比翻而飛。永如南山。不缺不虧。
畧取大較。丹書刻石。垂示後昆。識者察焉。
碑在滕縣
今不存蓋
近歲失
之也

靈帝河閒舊廬碑

漢張超

赫赫在上。陶唐是承。繼德二祖。四宗是憑。上龜鑒乎
羲農。中結軌乎夏商。元首既明。股肱惟良。乃因舊宇。

福德所基。修飾經構。農隙得時。樹中天之雙闕。建冠山之華堂。通樓閒道。丹階紫房。金牖鬱律。玉壁內瑤。青蒲充庖。朱草棲箱。川魚踴躍。雲鳥舞翔。煌煌大漢。合德乾綱。體効日月。驗化陰陽。格于上下。震暢八荒。三光宣曜。四靈効祥。天其嘉享。豐年穰穰。騶虞奏樂。鹿鳴薦觴。工祝致告。福祿來將。永保萬國。南山無量。

魯夫子碑

漢禰衡

受天至精。純粹睿哲。崇高足以長世。寬容足以廣包。幽明足以測神。文藻足以辨物。然而敏學以求之下。問以誨之。虛心以受之。深思以詠之。愍周道之迴適。悼九疇之乖悖。故發憤忘食。應聘四方。魯以大夫之

續苑十五

十五

位。任以國政之權。譬若飛鴻鸞於中庭。聘騏驥於閭巷也。是以期月之頃。五教克諧。移風易俗。邦國肅焉。無思不服。懿文德以紆餘。綴三五之紀綱。流洪耀之休赫。曠萬世而揚光。夫文明以動天。則也。廣大無疆。地德也。六經混成。洪式也。備此三者。聖極也。合吉凶於鬼神。遂殂落於夢寐。是以風烈流行。無所不通。故立石銘勛。以示昭明。辭曰。

煌煌上天。篤降若人。邈矣悠哉。千祀一鄰。明德宏監。情性存存。奕奕純嘏。稽憲乾坤。曜彼靈祇。以訓黎元。終日乾乾。配天之行。在險而正。在困而亨。窮達之運。委諸穹蒼。日月則陰。天地不光。聖獻殂崩。大猷不綱。

顏子碑

漢禰衡

稟天地之純和。鍾岳瀆之休靈。睿哲之姿。誕自初育。英絕之才。顯乎嬰孩。在東脩之齒。入宣尼之室。德行邁於三千。仁風橫於萬國。知微知彰。聞一覺十。用行舍藏。與聖合契。名爲四友之冠。實盡疏附之益。爾乃安陋巷。挹清流。甘簞瓢以充飢。雖屢空而不憂。于時河不出圖。周祚未訖。仲尼無舜禹之功。先生包元凱之烈。其辭曰。

亞聖德。蹈高蹤。遊洙泗。肅禮容。備懿體。心彌沖。秀不實。振芳風。配聖饋。圖辟雍。紀德行。昭罔窮。

吳九真太守谷朗碑

續英十五

十六

府君諱朗。字義先。桂陽耒陽人。豫章府君之曾孫。公府君之孫。郎中君之子也。其先世自顓頊。益爲舜虞。賜姓嬴氏。至于扉子。封於秦谷。因而氏焉。君承洪原之清流。稟弈世之高素。履道思順。德行純備。三歲喪母。十一亡父。獨與弟居。承奉繼親。和顏悅色。孝友溫恭。曾閔之操。君其蹈焉。弱冠仕郡。歷右職。守陽安長。淑問宣深。遂升王府。除郎中。尚書令史。郡中正。遷長沙。劉陽令。播渥惠以育物。垂仁恩以布化。莅政未期。徵拜立忠都尉。尚書郎。靖密樞機。名冠衆僚。此二字今釋遷部廣州督軍校尉。正身率下。不畏彊御。深清蕩濁。萬里肅威。此字今釋功成辭退。拜五官郎中。遷大中正。平

衡清格。蘇倫攸敘。于昔此字交州。竊邑判國。戎車婁

起此二字于戈未戢。帝思俾乂。訓咨羣司。僉以君往

部南州。威恩素著。此二字遷九真太守。君稟明德。所

歷垂勲。宜延遐紀。光讚此字皇家。如何不永。春秋五

十有四。鳳皇元年四月乙未。寢疾而卒。嗚呼哀哉。凡

百君子。莫不嗟痛。乃立碑作頌。以顯行績。其詞曰。

於鑠府君。稟性元通。積行閨闕。九族睦雍。羽儀上京。

德與雲騰。入蹈丹墀。夙夜靖恭。出撫黎民。風移俗興。

名叅豹產。勲齊往縱。當永黃耆。翼佐帝庸。昊天不弔。

哲人其終。濟濟縉紳。靡瞻靡宗。勒茲元石。永光無窮。

案歐趙著錄皆有此碑。至翁氏兩漢金石記始載全文。今以拓本釋其所缺并改訛錯。

續苑十五

故使持節侍中太傅鉅平成侯羊公碑

晉李興

公諱祐。字叔子。泰山南城人也。其先晉羊舌大夫之

胄。當漢中興。始自南陽。家于岱野。纓冕相繼。九世于

茲矣。顯祖南陽太守。考上黨太守。咸有能名。公承俊

烈之高風。應明哲之盛代。德擅規模。仁成慈惠。其器

量宏深。容度廣大。浩浩乎固不可測已。其志節言行。

卓爾不羣。遊神元默。散志青雲。宏之以道籍。博之以

藝文。于是仁聲遠耀。芳風遐流。年十有七。上計吏。察

孝廉。州辟不肯就。羣公休之。四府並命。盤桓累載。及

公車徵。拜中書侍郎。祕書監。于時當晉之盛。明揚英

俊乃引公爲相國從事中郎遷中領軍遇革命之期任受禪之會秉文經武以集大晉之祚皇采增輝帝威遠邁偉絕代之風宏唐虞之緒帝嘉厥庸疇以大國公乃逡巡固讓裁居小邦天子俞咨仍復公中軍將軍散騎常侍內釐王度外綏區域嚴恭寅畏帝命允飭運國威于句陳握皇樞于紫極于時之盛未有上公者也拜衛將軍尚書僕射以揆天機崇成大業帝道緝熙泰階永肅以江寇未夷乃命公都督荊州諸軍侍中車騎將軍開府辟命乃養民募財開斥國界創築五城以防寇衛境然後闡敷皇風懷遠以德知大同之業思王道之則齊其土人均其利澤軍無

續苑十五

十六

虞警民不疲勞農功盈疇百姓布野羣黎被德殊俗望風吳人感服襁負而至者四萬餘口進位征南大將軍公雖享有茅土歷登台階吐飡下士貳於姬公方將殫彼戎吳經國弔民然後偃甲戢兵辭功退身以優遊乎初好此公之素志也會講篤疾春秋五十有八咸寧四年十有一月庚寅薨于京邑天子痛悼遣使持節追贈侍中太傅南城侯印綬賻弔加于常也及其葬上親臨過車騎諡曰成侯天子以公德高勛大而屢辭封爵故復建南城之國特以封公公哲讓終始上未之許及其薨也夫人夏侯氏追公克讓之志遂不以斂公自出身以至于終忠言不輟于口

嘉謀不廢于心。成其業。不處其功。勤其勲。不榮其祿。儀型言行。動為世範。暨六年春。平吳策詔曰。故太傅鉅平侯羊祜。造建平吳之規。潛謀遠畧。與眾殊慮。勲業不遂。然蕩滅之計。悉如祜策。固能夷曠世之寇。拯黎民之患。勲烈宏著。而寵不逮身。其遣使以克定之功。策告祜廟。昔漢氏封蕭何夫人為侯。以崇顯元功。亦古之令典。封祜夫人為萬歲鄉君。食邑五千戶。賜絹萬疋。于是故吏高文奚廉等。僉以公德高而志卑。位優而行恭。微猷被于江漢。懿德及於羣生。涉其風者。貪夫廉懦夫立。雖夷惠之操。奮乎百世。曷以尚之。竒謀潛畧。清功遺緒。靡所宣心。乃共揭石。刊勒盛軌。

續苑十五

十九

永表風烈焉。其辭曰。天臨有晉。乃降皇輔。猗歟惟公。應期協矩。聰哲神睿。乃文乃武。曰唐曰虞。淵淵其度。翼翼其明。孝思以形。乃耀高風。辭爵讓榮。為而不有。志凌太清。如何不弔。中年殞。

未

刊

是表是旌

案李與所撰羊公碑

久漫滅再書于梁大同重立于唐大中三鐫于宋景祐而元人周伯溫又摹而樹之今之存者則從治十

太公呂望表

晉盧无忌

齊太公呂望者。此縣人也。遭秦燔書。史失其藉。至大晉受命。吳會既平。四海一統。太康二年。縣之西偏。有盜發冢。而得竹策之書。書臧之年。當秦坑儒之前八

十六歲其周志曰文王夢天帝服元襪以立於令狐之津帝曰昌賜汝望文王再拜稽首大公於後亦再拜稽首文王夢之之夜太公夢之亦然其後文王見太公而計之曰而名爲望乎荅曰唯爲望文王曰吾如有所於見汝太公言其年月與其日且盡道其言臣此以得見也文王曰有之有之遂與之歸以爲卿士其紀年曰康王六年齊太公望卒參考年數蓋壽百一十餘歲先秦滅學而藏於丘墓天下平秦而發其潛書書之所出正在斯邑豈皇天所以章明先哲著其名號光于百代垂示無窮者乎於是太公之裔孫范陽盧无忌自太子洗馬來爲汲令般谿之下舊

續苑十五

廿

有壇場而今墮廢荒而不治乃諮之碩儒訪諸朝吏僉以爲太公功施於民以勞定國國之典祀所宜不替且其山也能興雲雨財用所出遂脩復舊祀言名計偕鑿石勒表以彰顯烈俾萬載之後有所稱述其辭曰

於爍我祖時惟大公當殷之末德元通上帝有命以錫周邦公及文王二夢惟同上帝旣命若時登庸遂作心膂寅亮天工肆伐大商克咸厥功建國胙土俾侯于東奮乎百世聲烈弥洪般谿之山明靈所託升雲降雨爲膏爲澤水旱厲疫是禳是禳來方禋祀莫敢不敬報以介福惠我百姓天地和舒四氣通正

灾害不作。民無天命。嘉生蕃殖。遠迸迄用康年。稼穡茂盛。凡我邦域。永世受慶。春秋匪解。無隕茲令。大康十年三月丙寅朔十九日甲申造。

侍中嵇侯碑

晉裴希聲

夫君親之重。非名教之謂也。愛敬出於自然。而忠孝之道畢矣。樸散真離。背生殉利。禮法之興。於斯為薄。悲夫。晉弋陽子嵇紹字延祖。資乾剛之純粹。體中和之淑靈。少有清劭之風。長懷宏仁之度。加以通朗掩濟。靡才不經。學為儒宗。庶績光被。弱冠登朝。則敷文秘閣。晚節強仕。則納言樞極。太安之初。權臣擅命。皇輿親征。次於蕩陰。六軍奔散。兵交御輦。紹儼然端冕。正色以扞鋒刃。遂殞命於御側。忠誠感人。神義聲震四海。銘曰。

續苑十五

廿

二儀肇建。君臣攸序。我我侍中。應期作輔。外播仁風。內舉心膂。孰慈弗勇。靡仁不武。見危授命。背生殉主。確乎其操。邈乎其崇。矯矯王臣。憲茲遺風。在親成孝。於敬成忠。

右光祿大夫西平靖侯顏府君碑

晉李闡

君諱含。字宏。都琅邪臨沂人。春秋以降。戰國以前。賢智比肩。備於載策。昭穆次序。上至顏燭。漢末喪亂。舊譜淪亡。自青州使君以上。不復詳具。祖欽。給事貞侯。

父默汝陰太守學素相承有聲邦黨君幼稟貞粹長而好古睦親之譽發於羈貫每讀書見孝友通靈之事輒悽然改容以爲人神相與何遠之有但患人心澆僞自絕於神耳苟能無以僞雜真神其捨諸修己立誠盡歡就養訓行閨門義達州里久要心許之信夷險不爽正冠納履之嫌終始不蹈兄畿患亡更生君棄絕人事蓬首屏氣以就嗇養者十有三年次闕繁欽孫老而失明合藥須髻蛇膽有青衣童子持裹授君出戶化成青鳥飛去本州辟不就鎮東琅邪王參軍事過江累遷東閣祭酒朝議謂君正性端素學行通深有命太子中庶子轉黃門侍郎本州大中正

續苑十五

廿八

封回車縣侯轉侍中吳郡太守事停還除侍中國子祭酒加散騎常侍光祿勳以年遜位就加右光祿大夫門施行馬特賜牀帳被褥四時致膳固辭不受馮懷欲爲王導降禮君不從曰王公雖重故是吾家阿龍君是王親丈人故呼王小字王處明君之外弟爲子允之求君女婚桓温君夫人從甥也求君小女婚君並不許曰吾與茂倫於江上相得言及知舊技淚敘情茂倫曰唯當結一婚姻耳吾豈忘此言温負氣好名若其大成傾危之道若其闕敗也罪及姻黨爾家書生爲門世無富貴終不爲汝樹禍自今仕宦不可過二千石闕婚嫁不須貪世位家時議者以君審

裁將以應軍司之選。君遽告蔡謨曰：此非輕弱所宜。尸忝羯逆，方熾當保國養民，以俟事會。想愛人以禮，宜寢此言。主相聞之，卒不授督統之任。謨秉君此言，終不唱討賊之計。在朝正立，不昵權豪，及致仕退居，長子髦解職視膳。中子謙躬率田桑，中外莫不取給。闔門靜軌廿餘年。九十三薨，遺命素棺薄斂。吉凶官飾一無施列。天子嗟悼，詔賜墓田，諡曰靖侯。禮也。停柩在殯，鄰家失火，三子抱柩號惶，分同灰燼。焱爛垂及，欬然頓滅。論曰：君平生素行，既感達幽靈，終殯在堂，又獲福異。豈神祇保佑，以顯淳德乎？闡託姻顏氏，頗識舊聞。與君二子髦約，採集言行，而著此傳。銘曰：

續苑十五

廿三

嵎夷導曰：岱方禋春，星離望合。水別浸鄰，少陽畜德。蒼祇效神，孕僊字聖。誕智息仁，洙上道奧。稷下儒淵，乃昔宗林。傾席曜筵，升門取儁。接室稱賢，闔則遜哀。燭亦抗宣，獷彼琅邪。實惟海宇，憬屬之罟。邪臨潮擢，載濟越師。大淹秦旅，誰其來遷。時聞遠祖，青州隱秀。爰始貞居，內辟鼎府。外康邦閭，建節中平。分竹黃初，刑清齊右。政偃營區，葛嶧明懿。平陽聰理，或薦公庭。或登宰士，列美霸朝。雙風千里，華萼之茂。於昭不已。博士淵退，再遂儒聘。案聘舊誤貞子七穆，比世稱盛。無忝汝陰，有偉安定。舍人攸敏，亦允儲命。靖侯潛德，信豈在明。言則測幽，歎實聳靈。仁親之寶，大孝之榮。

官必凝績學乃敦經隨難蕃霸特安闡掖扶元陟帝
翼成復辟忌滿裁婚鑿冲貶石望年靜駕樂恬延歷
三祖連光衆門稟教於時列孝克端殊操潔景衡陰
湮心理奧任不窮秩是謂高蹈山曾木闕胃積芟深
永惟世闕思樹辭林碑表有毀策素匪任誦靈墳阿
長寄風音

晉江夏李闡字宏模傳曾孫宋金紫光祿大夫贈特
進延之字延年銘大歷七年歲次壬子夏四月甲寅

十四代孫唐金紫光祿大夫前行撫州刺史上柱國

魯郡開國公真卿書重建於舊龜跌上建康志顏含墓右光祿大夫

夫西平靖侯顏府君葬靖安道旁考證云晉顏含乃唐時真卿十四世祖也得古碑於靖安道旁乃李闡

及顏延之文墓不知所存

續苑十五

廿九

丞相桓温碑銘

晉表 宏

文武開業尚父定王佐之契宗周不競桓公宏九伐
之勲脫屣於必濟之功忘懷於屈伸之會高氏未詳
出乎生民公亮坦於萬物遂復改謀迴慮策馬武關
揔轡丹析之塗揚鞭終南之嶺兵交則戰無全敵勸
義則襁負雲集徒以懸軍輕進困蓄靡儲而豺狼懼
殪保固窟穴乃方軌迴轅反師凱入雖奇功大勲未
捷於一朝而宏謨神畧義高於天下惟公秀傑英特
奇姿表於弱冠俊神朗鑒明統備於成德巾褐衡門
風流推其高致忘己應務天下謝其勲業輔相兩儀

而通運之功必周。虛中容長而方圓之才咸得。道濟而不有。處泰而逾約。可謂固天時縱生民之傑者也。
銘曰

美盡黃裳。道暢伊呂。哲人應運。命世作輔。卓卓英風。畧畧宏宇。亮心高列。俊神閒舉。忘己濟物。撫化翼世。河洛澄流。華梁卷翳。俾我仁公。宏道作鏡。如何不弔。雲鬢落映。

續古文苑卷第十五

續苑十五

十五

續古文苑卷第十五

續古文苑

美盡黃裳。道暢伊呂。哲人應運。命世作輔。卓卓英風。畧畧宏宇。亮心高列。俊神閒舉。忘己濟物。撫化翼世。河洛澄流。華梁卷翳。俾我仁公。宏道作鏡。如何不弔。雲鬢落映。

而通運之功必周。虛中容長而方圓之才咸得。道濟而不有。處泰而逾約。可謂固天時縱生民之傑者也。

續古文苑卷第十六

賜進士及第授通奉大夫山東通省督糧道加三級孫星衍撰

碑志二

宋臨澧侯劉使君墓誌

曾祖宋孝皇帝。祖諱道鄰。字道鄰。侍中太傅長沙景王。妃高平平陽檀氏。字憲子。謚曰景定妃。父暢道淵。永寧令。祖貌雅罷。琅邪太守。合葬琅邪臨沂莫府山。父諱義融。字義融。領軍車騎桂陽恭侯。夫人琅邪臨沂王氏。字韶風。父蘭長仁。東陽太守。祖穆伯遠。臨海太守。合葬丹徒練壁雩山。所生母湯氏。宣城人。葬練壁雩山。兄覲茂道。散騎常侍。桂陽孝侯。夫人廬江潛

續苑十六

何氏憲英。父愉之。彥和。通直常侍。祖叔度。金紫光祿大夫。合葬練壁雩山。第三弟彪茂蔚。祕書郎。葬江乘白山。三字補夫人河南陽翟褚氏。成班。父方回。太傅功曹。祖叔度。雍州刺史。第四弟寔茂。三字補軌。太子舍人。夫人琅邪臨沂王氏淑婉。父津景源。中書郎。祖虞休。仲左衛將軍。合葬仁。補字江乘白山。第五弟季。案宋書作爽疑此有茂通。海陵太守。葬練壁雩山。夫人陳郡陽夏袁補今氏妙。補父淑陽源。太尉忠憲公。祖豹士蔚。丹楊尹。第一姊茂徽。嬪陳郡長平殷臧憲郎。父元素。南康太守。祖曠思泰。補軍功曹。重嬪琅邪臨沂王閔之。希損。鎮西主簿。父昇之。休道。都官尚書。祖敬。案左光祿儀

同第二姊茂華。適廬江。嚳何求子有。祕衲書郎。父鎮長。宜都太守。祖尚衲之彥德。司空簡穆公。第三姊

茂姬。適平昌安丘孟詡元亮。中軍參軍。離。案謂離父

靈休。衲太尉長史。祖昶彥遠。丹楊尹。第四姊茂姜。適

蘭陵蕭惠微。中書郎。父思話。征西將軍儀同三司。祖

源之君流。前將軍。第五妹茂容。適蘭陵蕭贍叔文。父

斌。伯禧。青冀二州刺史。祖摹之仲緒。丹陽尹。重。適濟

陽圉蔡康之景仁。通直郎。父熙元明。散騎郎。祖廓子

度。太常卿。第六妹茂嫻。適濟陽考城江遜孝言。父湛

徽。淵左光祿儀同忠簡公。祖夷茂遠。前將軍。湘州刺

史。重。嫡琅邪臨沂王法興。驃騎參軍。父翼之季弼。廣

續苑十六

州刺史。祖楨之公幹。侍中。夫人濟陽考城江氏景嫻。

父淳徽源。太子洗馬。祖夷茂遠。前將軍。湘州刺史。第

一男是衲。長暉。出後兄。紹封桂陽侯。第二男是淵。高

拜臨澧侯。世子。第三男是淵華。第四男是淵遂。出後

第四弟寔。第五男。淵穎。第六男是淵平。第一女麗

昭。第二女麗明。第三女小字僧歸。亡葬。

宋故散騎常侍護軍將軍臨澧侯劉使君墓誌。

君諱襲。字茂德。南彭城人。宋高祖武皇帝弟景王之

穆也。神姿韶雅。風譽夙懋。弱冠拜祕書郎。逮二凶肆

禍。人倫道消。君身離幽執。僅免虎口。事清。還復舊職。

以母憂去官。既除。又拜祕書郎。轉太子舍人。自升。

二宮令望允緝出爲鎮蠻護軍廬江太守莅政平簡
聲績兼著遷明威將軍安成太守屬中流構豐四表
迷逆君英議獨發招會如神故能以一之旅剋濟
忠節義超終古誠冠當今皇朝欽嘉爵賞取榮除輔
國將軍郢州刺史封建陵縣開國侯俄徵太子右衛
率加給事中未拜遷侍中冠軍將軍改封臨澧縣開
國侯鎮肅石頭實當關要之寄遷左衛將軍未拜仍
除中護軍春秋卅有八泰始六年三月十日薨於位
聖主嗟悼朝野傷悲有詔故中護軍臨澧縣開國侯
志行貞純才用理濟忠勳著於艱時勲績倡乎泰運
年志始壯奄焉凶折悲傷側割實兼常懷思加寵數
以申哀榮可贈護軍將軍加散騎常侍餘補如故謚
曰忠侯粵五月廿七日庚寅將葬于琅邪之乘武岡
以悲幽明之殊隔傷一訣而永分仰清徽而攬淚俵
元石而裁文其辭曰

續苑十六

峩峩山岳效靈允矣君子誕膺休禎支蔭帝宇
締慶文明德以行高仁與華二宮官政兩服
國步時屯艱難斯屬忠則忘家義實光族朝迺欽庸
以望旣歸寵惟或侍帝言或司蕃戎
方宏乎美家邦如何不躬芳稍述
日月有時考辰筮吉元堂啓基深泉永安長悲

案此碑曾祖以下列在題前與北魏崔敬邕誌同例餘不多見

宋張氏墓誌

宋故臨渭縣侯湘東太守張府君諱濟夫人止氏諱靜姬第三女推兒春秋卅有一亡於偏憂元徽元年十月甲辰十七日庚申權假窀穸於西鄉

遠葉蘭飛浚源璇潔履順早辰含章妙歲選史圖容循詩範節皎鏡冬泉優柔春蕙濇北忸行營東慙藝冥昧慶善宵翳壽仁泣血賈性團憂殲身罷景方旦摧華載春壠木已藹墓草行陳朱火幾爛元夜無晨故永陽敬太妃墓誌銘

梁徐勉

永陽大太妃王氏琅邪臨沂人也其先周靈王之後自秦漢逮於晉宋世載光羽儀相屬既以備于前

續苑十六

四

志故可得而畧焉祖粹給事黃門侍郎父儼左將軍司馬尋陽內史並見稱時輩太妃體中和之氣稟華宗之烈蹈此溫恭表茲淑慎孝敬資於冥發仁愛於自然至于四教六訓之閑工言貞婉之德無待教成因不該備故景行著于中淑問顯乎言歸作嬪盛德實光輔佐親縫幕之用躬服澣之勤及早世釐居遺孤載藐提攜撫育逮乎成備斷織之訓既明闔門之禮斯洽劬勞必盡曾不移志用能緝睦于中外亦以濟濟乎艱難雖魯姜之勤節曹妃之敬讓方之蔑如也皇業有造殷憂啓聖追惟魯衛建國永陽恭王纂嗣蕃號式顯廼拜爲太妃策曰維天監二年六

月甲午朔十日癸卯。皇帝遣宗室員外散騎侍郎持節兼散騎常侍蕭敬寶策命永陽王母王氏爲國太妃。曰於戲惟爾茂德內湛粹瀚範外昭國序凝芬蕃庭仰訓是用式遵舊典載章徽服往欽哉肅茲休烈可不慎歟備禴瑱之華而降心彌約居于乘之貴而處物愈厚旣而恭王不永禮從訓導嗣孫載光榮祉年高事重志義方隆宜永綏福履而奄奪鴻慶以普通元年十月廿三日邁疾十一月九日己卯薨於第春秋五十有九詔曰永陽大太妃奄至薨逝哀摧切割不能自勝便出敘哀可給東園祕器喪事所須隨由辨祖行有辰式宏茂典又詔曰故永陽大

續苑十六

女

太妃禮數有殊德行惟光訓範蕃嗣式盛母儀即遠戒期悲懷抽割可詳典故以隆嘉謚禮也粵其月廿八日戊戌祔瘞于琅邪臨沂縣長千里黃鵠山用宣風烈以昭弗朽廼爲銘曰

清瀾悠邈其儀尚矣龍光疊照風流世祀猗歟罔匱於昭不已誕資仁淑作嬪君子幽閑表操明德自躬推厚處薄秉默居冲參差採芣揜暎言工鑒昭彤管識懋休風凝芬載湛芳猷允塞徙舍爲訓止閭成則曹號母儀豈伊婦德穆茲閨閫形于邦國龍飛集運禮數攸鍾憲章盛典車服有容泰而愈約貴則彌恭蕃祉方茂纂嗣克重巾帶差池朝夕咸事雖曰任傅

永請斯備。是惟仁姑。厥德可庇。恂恂濟濟。蘭芬瓊祕。光陰易晚。祺福難留。闈儀罷映。綸華奄收。奠遷朱邸。駕指行楸。芳■是勒。大方攸■。尚書右僕射太子詹事臣勉奉敕撰。

丹陽尹湘東王善政碑

梁裴子野

皇上建顯號。垂鴻名。廣大配乎天地。光華象乎日月。長駕遠撫。橫逸乎都外。策鏡區域。充塞乎無垠。上冠九垓。旁濟八表。制禮以告成功。作樂以彰治定。福應允臻。祥慶符合。六府孔修。九官咸事。於往歲也。有司奏以湘東王為宣惠將軍丹陽尹。既而下車為政。振民育德。循名責實。舉無遺慮。若夫據饋累起。求賢如

續苑十六

六

不及。卑身折節。用人若由己。玉帛旅於丘園。辟書交乎塗路。求餘論於故府。想遺風於舊哲。延儒生於東閣。命文學於後車。重門洞啓。列筵廣置。四民摠至。獄訟殷集。王兼而治之。綽有餘裕。上○其禮。下悅其風。虛往實歸。人得所至。由是百吏仰成。具僚斂衽。千里之閒。有懷必亮。躬親勸課。賦政授時。辨相物宜。務盡地利。由是仍歲有秋。餘糧栖畝。是以縉紳先生。愀然相顧。遂造象魏。拜而陳之。有詔報曰。纖介之善。春秋必書。吏民歸美。難用抑絕。於是二三君子。歡得所奏。乃擇工良匠。追石名山。撰德選辭。興事篆刻。俾萬代之下。知斯文之在斯。銘曰。

茫茫禹迹，經啓萬方。平秩肇定，曰若我皇。并苞九域，畫野分疆。猗歟帝子，日就月將。疏爵分品，奄有瀟湘。君王光啓，旣表南國。肇允神童，翻飛上德。導達元微，優游翰墨。行成師範，文爲麗則。帝曰爾諧，出康庶績。勿替敬典，大猷允迪。我王顯允，洵美且麗。夙夜乾乾，有隆无替。光贊大朝，庇民濟世。京邑翼翼，永承嘉惠。魏故中書令祕書監使持節督兖州諸軍事安

東將軍兖州刺史南陽文公鄭君之碑

公諱義，字幼麟，司州滎陽開封人也。肇洪源於有周，胙母弟以命氏。桓以親賢司徒，武以善職並歌。緇衣之作，誦乎弈世。降逮於漢，鄭君當時播節讓以振高

續苑十六

七

風大夫司農創解詁以開經義，迹刊圖史，美灼二書。德音雲翻，碩響長列。揚州以十策匡時，司空豫州以勲德著稱。高祖畧恢亮儒素，味道居真。州府招辟，莫之能致。值有晉弗覓，君道陵夷，聰曜虔劉，避地冀方。隱括求全，靜居自逸。屬石氏勃興，撥亂起正。徵給事黃門，持節遷侍中尚書，贈揚州刺史。曾祖豁，以明哲佐世。後燕中山尹太常卿濟南貞公祖溫，道協儲端。燕太子瞻瞻同事父睦，仁結義徒。績著寧邊，拜建威將軍。汝陰太守，繇榮千載，聯光百世。自非積德累仁，慶屆無窮。其孰能傳輝踵美，致如此之遠哉。可謂身沒而名不朽者也。公稟三靈之淑氣，應五百之恆期。

乘和載誕。文明冠世。篤信樂道。據德依仁。孝弟端雅。寡言愍行。六藉孔精。百氏備究。八素九丘。靡不昭達。至乎人倫禮式。陰陽律曆。尤所留心。然高真沈默。恥爲傾側之行。不與俗和。絕於趣向之情。常慕晏平仲。東里子產之爲人。自以爲博物不如也。蓋斯文於衡泌。延德聲乎州閭。和平中舉秀才。荅策高第。擢補中書博士。除以方正自居。雖才望稱官。而乃歷載不遷。任清務簡。遂乘閑述作。注諸經論。撰話林數弓。弓同卷莫不元契聖理。超異恒儒。又作孔顏謠靈巖頌。及諸賦詠詔策。辭清雅博。皆行於世也。以才望見陟。遷中書侍郎。又假員外散騎常侍。陽武子。南使宋國。宋主

續苑十六

客郎孔道均。就邸設會。酒行樂作。均謂公曰。樂其何如。公荅曰。哀楚有餘。而雅正不足。其細已甚矣。而能久于于同均。均嘿然而罷。移年而蕭氏滅宋。雖延陵之觀昔詩。鄭公之聽宋樂。其若神明矣。朝廷以公使協皇華。原隰斯光。遷給事中。中書令。總司文史。敷奏惟允。國之律令。是所議定。公長子懿。邕。容。和。令。器。望兼資。早綜銓衡。能聲徽著。敦詩悅禮。尤精易理。季子道昭。博學明雋。才冠祕穎。研圖注篆。超侍紫幄。公行於前。吏部祕書隨其後。凡厥庶寮。莫不欽其人也。於時有識比之三陳。後年不盈紀懿。給事黃門侍郎。太常卿。使持節督齊州諸軍事。平東將軍。齊州刺史。道昭

祕書丞中書侍郎司徒諮議通直散騎常侍國子祭酒祕書監司州大中正使持節督光州諸軍事平東將軍光州刺史父官子寵才德相承海內敬其榮也先時假公太常卿熒陽侯詣長安拜燕宣王廟還解太常其給事中中書令侯如故縱縱同容鳳闈動斯可則冠婚喪祭之禮書疏報問之式比之制矣民肯行矣雖位未槐鼎而仁重有餘太和初除使持節安東將軍督兗州諸軍事兗州刺史南陽公德政寬明化先仁惠不嚴之治穆如清風拊桑有敬讓之高朝市無鞭戮之刑即道之美不專於魯矣太和中徵祕書監春秋六十有七寢疾薨於位凡百君子莫不悲

續苑十六

九

國秀之永沈哀道宗之長沒皇上振悼痛百常往遣使贈襚策贈有加謚曰文祭以太牢以太和十七年四月廿四日歸葬乎熒陽石門東南十三里三皇山之陽於是故吏主薄東郡程天賜等六十人仰道墳之緬邈悲鴻休之未刊乃相與欽述景行銘之元石以揚非世之美而作頌曰

爰鑒往紀稽覽前徽有賢有聖靡弗應時絲實契奴旦亦協姬於穆鄭公誕叡應期伊昔桓武並美司徒恭惟我君世監祕書三墳剋闡五典允敷文爲辭首學實宗儒德秀時哲望高世族灼灼獨明亭亭孤邈式胄三雍鄒風再燭作岳河兗澤移草木慶靈長發

繼葉傳光君既挺發允亦含章文義襲軌朱紱相望刊石銘德與日永揚

永平四年歲在辛卯刊上碑在直南卅里天柱山之陽此下碑也以石好故於此刊之

魏代揚州長史南梁郡太守宜陽子司馬景和

妻墓誌銘

夫人姓孟字敬訓清河人也蓋中散大夫之幼女陳

郡府君之季妹夫人資含章之淑氣廩稟懷馥之奇

風芬芳特出英華秀生婉問河洲鼓鐘千里年十有

七而作嬪於司馬氏自笄辨髮從人檢無違度四德

孔脩婦宜純備字備奉偶姑以恭孝與名接娣姒以謙

續苑十六

十

慈作稱恒寬心靜質舉成物軌謹言慎行動爲人範

斯所謂三宗厲矩九族字族承規者矣又夫人性窈窈

妒媿多於容納敦桃天之宜上薦小星之逮下故能

慶顯字顯蠡斯五男三女出入閨闈諷誦崇禮義方之

誨旣形幽閑之教亦著然盡力事上夫人之勲夫婦

有別夫人之識捨惡從善夫人之志內宗加密夫人

之恤姻於外親夫人之仁夫人有五器而加之以躬

檢節用豈悟天道無知與善徒言享年不永凶馘橫

集春秋卅有二以延昌二年夏六月甲申朔廿日癸

卯邁疾奄忽薨於壽春嗚呼哀哉粵三年正月庚戌

朔十二日辛酉歸葬於鄉墳河內温縣温城之西寔

以營原興壘，窳野成丘。故式述清高，而爲頌云。
穆二夫人，乘和誕生。蘭蕤蕙糝，玉潤金聲。令問在室，
徽音事庭。方孚洪烈，範古流名。如何不淑，早世徂傾。
思聞後葉，刊石題誠。

魏崔敬邕墓誌銘

祖秀才諱殊字敬異。

夫人從事中郎趙國李休女。

父雙護中書侍郎冠軍將軍豫州刺史安平敬侯。

夫人中書趙國李詵女。

魏故持節龍驤將軍督營州諸軍事營州刺史征虜
將軍大中大夫臨青男崔公之墓誌銘。

續苑十六

十一

君諱敬邕，博陵安平人也。夫其殖姓之始，蓋炎帝之
胤。其在隆周，遠祖尚父，實作太師，秉旄鷹揚，尅佐撫
殷。若乃遠源之富，奕世之美，故以備之前冊，不待詳
錄。君即豫州刺史安平敬侯之子，曾積仁之基，累榮
構之峻，特稟清貞，少播令譽。然諾之信，著於童孺；瑤
音玉震，聞於弱冠。年廿八而隲華茂實，以響流於京
夏矣。被旨起家，召爲司徒府主簿，納贊槐衡，能和鼎
味。俄而轉尚書都官郎中。時高祖孝文皇帝將改制
創物，大崇革正，復以君兼吏部郎，詮敘彝倫，九流斯
順。太和廿二年春，宣武皇帝副光崇正，妙蘭宮衛，復
以君爲東朝步兵。景明初，丁母憂還家，居喪致毀，幾

於滅性服終朝廷以君膽量凝果善謀好成臨事發
奇前畧無滯徵君拜為左中郎將大都督中山王刺
史出圍偽義陽城拔凱旋君有協規之効功績隆盛
授龍驤將軍太府少卿臨青男忠勲之稱實顯於茲
永平初聖主以遼海戎夷宣化佇賢肅慎契丹必也
綏接於是除君持節營州刺史將軍如故君軒鑣始
邁聲猷以先麾蓋踐壇而溫膏均被於是殊俗知仁
荒囑識澤惠液達於逋遐德潤潭於邊服延昌四年
以君清政懷柔宣風自遠徵君為征虜將軍太中大
夫方授美任而君嬰疾連歲遂以熙平二年十一月
廿一日卒於位縉紳痛惜姻舊咸酸依君績行蒙贈

續苑十六

左將軍濟州刺史加謚曰貞禮也孤息伯茂銜哀在
疚摧號因訴泣庭訓之崩沈淚松楊之以樹洞抽絕
其何言刊遺德於泉路其辭曰
緜哉遐胃帝炎之緒爰歷姬初祖惟尚父曰周曰漢
榮光繼武邁德傳輝儒賢代舉於穆廡考誕質含靈
秉仁岳峻動智淵明育善以和獎幹以貞響發邦丘
翼起槐庭慶鍾盛世皇澤遠融入叅彝敘出佐邊戎
謀成轅幕績著軍功偽城颺偃蠹境懷風王恩流賞
作捍東荒惠沾海服愛洽遼鄉天情方渥蘭爵惟良
如何倉昊國寶淪光白楊晦以籠雲松區杳而煙邃
藐孤叫其崩窆親賓颺而垂淚仰層穹而摧號痛尊

靈之長祕。誌遺德兮何陳。篆幽石兮深燧。嗚呼哀哉。

王漁洋居易錄云陳崇石為安平令掘田壠間得祖父名爵列碑題之前

魏故驪驤將軍營州刺史高使君懿侯碑銘

君諱貞字羽真勃海脩人也其先蓋帝炎氏之苗稟昔在黃唐是為四嶽爰逮伯夷受命於虞舜曰典朕為太師俾侯齊國世世勿絕表乎東海其公族有高子者即其氏焉自茲已降冠冕繼繼及世濟其德不實其名祖左光祿大夫勃海敬公純嘏所鍾式誕文昭皇太后是為世宗武皇帝之外祖考安東將軍青州刺史莊公有行有禮克荷克構即文昭皇太后之

續苑十六

弟二兄也君稟岐嶷之姿挺珪璋之質清暈字暉發於載卡字弄秀悟表乎齟齬黃中通理之名卓爾不羣之日固已殊異公族見稱於匠者至於孝以事親則白華不能比其潔友于兄弟則常棣無以方其盛敬讓著自閭閻信義行於邦黨若夫秉心塞淵砥礪名教伏膺文武不肅而成則綴軌於前脩同穎翹於先達者矣雖綺襦紈袴英華於王許龍馬流車陸離於陰鄧而不以富貴驕人必以謙虛業己是故夷門識慕蹇步知歸我德如風物應如響弱冠以外戚令望除祕書郎僚麟閣而來儀瞻石渠而式踐於是縱容校文之職翻飛鷁鷺之間容止此而可觀清風茲焉已

穆既而重離載朗東朝始建杞梓備陳瑤金必剖僉
求其可帝曰尔諧遷太子洗馬夙夜惟寅媚茲儲后
仰敷四德之美式揚三善之功同禁聰坊亡有出其
右也於時六宮無主百姓未繫周爰大邦因踰莘似
以君姊有神表淑問拜爲皇后君戚愈重愈冲寵
日益權日損由是有少君退讓之風無長淵驕奢之
患故赫赫之望具瞻允集楨幹之期匪朝伊暮而不
幸短命春秋廿有六以延昌三年歲次甲午四月己
卯朔廿六日乙巳遘疾卒於京師二宮悲慟九族悼
傷同位駿奔遐迹必至天子廼詔有司曰故太子洗
馬高貞器業始茂方加榮級而秀穎未實奄彫夏彩

續苑十六

十九

今宅兆有期宜蒙追陟可特贈驩驥將軍營州刺史
以旌戚儀其墓上所須悉仰本州營辦臨空又特給
東園龍輜加謚曰懿凡我僚舊爰及邦人咸以君生
而玉質至美也幼若老成至慧也孝友因心至行也
富貴不驕至謙也君以此終亦以此始烏可廢而不
錄使來者無聞焉廼相與採石名山樹碑墓道其詞
曰

厥緒皇

堯咨四岳周命呂望惟高惟國

世有龍光自茲作氏不實其芳於鑠光祿饗茲戩馨
穠赫矣安東純嘏斯屬或女或妹匪娥伊僕陟彼昭
陽光我邦族山川降祉餘慶不已敬公之孫疋公之

子如琇如瑩爲山伊始人知其進莫見其止古人有言膏梁難正於乎我君終和且令牧已謙謙與物無競孝友因心能久能敬爰始來儀濯纓麟沼翾羽儲肩其容皎皎方搏九霄載飛載騰天道如何是人是天生榮死哀禮有加數曷用寵終英英旂輅其人雖往其風可慕元石一刊清徽永鑄

大代正光四年歲次癸卯

管黃鍾六月

碑

始見

以嘉慶九年出土星衍移置德州學宮

魏故懷令李君墓誌銘

君諱超字景昇本字景宗後承始族叔在江左者懸同故避改云秦州隴西郡狄鞏道縣都鄉華風里人

續苑十六

十五

也雅著高節敦襲世風言行足師興作成准循情孝友因心名義安貧樂道息詭遇之襟介然峻特標確焉之搽弱冠舉司州秀才拜奉朝請除恒農郡冠軍府錄事叅軍事宰沁水縣巨政崇治綽居尤最爲受罪者所誣誣章憲臺誤聽被茲深劾除名爲民於是廿年中浮沈閭巷玉潔金志卓尔無悶到熙平二年甫更從宦補荊州前將軍騎兵叅軍事復作懷令已受拜垂垂述職遭疾正光五年八月十八日卒于洛陽縣之永年里宅時年六十一孤貞華首訖於二邑門從無兩速迹酸恨懷之百姓長慕喪氣雖陳留之哀望胡季叡不是過也越六年正月丙午朔十六日

辛酉案此謂正光六年也其六月始改元孝昌則正月必尚紀正光矣碑書正月丙午朔證之通鑑

而目録劉義叟遺文乃誤以為在卒後魏年凡六於是

王氏萃編遂列為永安二年不知彼年長魏正癸丑朔與碑所書絕不可通也又考司馬景和妻墓誌

銘上書以延昌二年夏六月甲申朔廿日癸卯下書

此碑書年之法正同又一確證也葬洛陽縣覆舟山

之東南元壤難窮陵谷時異刻茲陰石照序光塵

泱泱顯族斂夢西垂代襲清則沓炳羽儀道妙之門

緒風屬斯惟祖惟考倜儻環竒昌謨迭駕高矚明規

杳量无隄元契不貲摠循異貫員應紛枝灼灼伊君

山立淵渟棲真宅正寢繩履程懿鑠為質醇素用情

均冶禮世氣重財輕亦既從招旁溢鴻聲隨牒出入

密勿力誠爰莅近邑先邁儀形絕交獨坐化動陰冥

尚德貽咎眾實叵蓋拂枉歸來飭轅褫帶恂恂鄉閭

万殊一會優柔善成无小无大垂白再仕汎尔沿流

階倫稍降盛業愈邁遠作後城士女承休鬻頓方

馳盡土悲愁尅節炯言引賞靡徵端恭妄亟字鬻頓方

膺擢彼圯跡事罕篇繒長源未輸深啻乍卷瀝此逸

機空生徒返茲窳易削疇毒難遣楨掬踈竦泉隸房

寒遠孀孤内爛妹弟摧咷式鏤沈石託注幽篆
妻恒農楊氏父談為邾州主簿息女孟宜年卅六適
恒農王始僕郡中正息女媛姿適遼西常彪侍御史
息女仲妃適武威賈子謐涼州治中息道冲息女婉

三
華息女休顏息女四輝息道逸年十六息道栖年十

魏故假節督齊州諸軍事輔國將軍齊州刺史
高公墓誌銘

君諱湛字子澄勃海滌人靈根遠秀啓慶兆於
渭川芳德遐流宣大風於東海作範百王垂聲萬古
者矣故清公勢重鄭伯捐師元卿位尊管仲辭禮皆
所以讓哲推賢遠明風軌祖冀州刺史勃海公文照
弼武烈望擲中夏惠沾朝野愛結周行考侍中尚書
令司徒公英風秀逸雋氣雲馳虬顧帝鄉威流宇縣
君稟慶緒於綿基挹餘瀾於海澳幼尚端凝長好文

續苑十六

十七

雅非道弗親唯德是與逍遙儒素之間慕申穆之遺
風徘徊文史之際追牧當作馬之逸藻至於鼻春灑

翰席

席字或釋作帶非

月抽琴邁昔哲以孤遊超時流而獨

遠熙平啓運起家爲司空叅軍事轉揚烈將軍羽林
監天平之始襄城阻命君文武兩兼忠義奮發還城
斬將蠻左同歸朝廷嘉其能縉紳服其義假驩驥將
軍行襄城郡事君著績旣崇賞勞未允尋除使持節
都督南荊州諸軍事鎮軍將軍南荊州刺史於時僞
賊陳慶率裒攻圍孤城獨守載離寒暑終能剋保
邊隍全怙民境復除大都督行廣州事享年不永春
秋卅三元象元季正月廿四日終於家皇上動哀能

言灑淚。廼有詔曰。故持節都督南荊州諸軍事假鎮
軍將軍揚烈將軍員外羽林監行南荊州諸軍事南
荊州刺史當州大都督高子金石萃編云此碑完
善其損者僅詔語中
高子登之識用開敏。氣幹英發。擁攝蕃翰。誠効剋宣。
臨難殉軀。奄從非命。言命遺績。有悼于懷。宜申追寵。
式光往烈。可贈假節督齊州諸軍事輔國將軍齊州
刺史。粵元象二年十月十七日。遷塋於故鄉司徒公
之塋。千秋易往。萬古難留。故鑄石泉門。以彰永久。其
詞曰。

丹虬降祉。姜水載清。大人應期。命世挺生。垂竿起譽。
罷釣流聲。經綸宇宙。莫之與京。允司下蕃。公衡上宰。

續苑十六

十一

既顯營丘。復擲東海。四履流芳。五城降綵。繁柯茂葉。
傳華無改。伊宗作輔。忠義是依。清盪昏霧。橫掃塵飛。
日月再朗。六合更暈。暉玉帛斯集。福祿攸歸。仁壽
無遠。積善空施。風酸夏草。霜結春池。崐山墜玉。桂樹
摧枝。悲哉永慕。痛矣離長。當作長離山左金石志
云離長倒書碑未改正

大齊鄉老舉孝義雋脩羅之碑

唯皇肇祚。大齊受命。引軒轅之高宗。紀唐虞之遐統。
應孝義以改物。揚人風以布則。於是緝熙前緒。照顯
上世。雋敬字脩羅。鑽土萇安。食菜勃海。前漢帝臣。雋
不疑公之遺孫。九世祖朗。遷官於魯。遂住洙源。幼傾
乾蔭。唯母偏居。易色承顏。董生未必過其行。守信志

忠投杼豈能著其心。捨田立寺。願在菩提。醜味養僧。纓絡匪怪。銘救濟飢寒。傾囊等意。少行忠孝。長在仁倫。可欽可美。莫復是過。蓋聞詮賢舉德。古今通尚。慝秀弊才。錐囊自現。余等鄉老。壹百餘人。目贖其事。豈容嘿焉。敬刊石立樓。以彰孝義。非但樹名。今世亦勸後生。義夫節婦。詔令所行。其辭曰。

恭恭易色。免受承顏。孝同曾閔。行比丁蘭。待如握髮。接若吐瀆。醜味救飢。解褐濟寒。披幽釋古。奉敬如來。割已施造。傾力捨財。終終報之。念其性可哀。鑿石壹朝。千代美哉。流芳萬古。迹絕當今。庶勸將來。誰不肅心。忠孝之外。任世浮沈。絕筆刊功。志畢松林。朱陽再

續苑十六

十九

現相訖南金。訪石鏤文。永保余心。懸宗頌轉。放筆留音。

皇建元年歲次庚辰十二月戊寅朔廿日丁酉訖功

碑以乾隆乙卯年九月得于泗水縣東五十里韓家澗天明寺側

朱岱林墓誌

北齊朱敬脩

君諱岱林字君山樂陵濕沃人也。自辛朝喪歷昌戶銜書親以建社賢亦啓國扶封於邾公加茅土方曹析壤媿魯稱雄別有由謚立姓因字爲氏斯即去邑從朱蓋是殊方共致卯金則司空佐命當塗即領軍贊業整在晉嗣美表於趙垂名所謂杞梓繼生公侯閒起哲人世挺衣冠代襲曾祖霸儒該上素術盡從

橫魏使持節平州諸軍事安遠將軍平州刺史俗隣
壇場布以威恩酌酒空陳夜金不受於後謗言及樂
讒巧亂鄒儵尔鷹揚翻然鵲起擁鄉里三千餘戶來
逝河南值元嘉之末朝多喪亂不獲其賞仍居青州
之樂陵郡祖法宏下帷耽藝閒靜自得舉秀才釋褐
南平王府行叅軍遷尚書祠部郎中禮閣有聲含香
擅美後遷司徒府諮議叅軍事亡贈鴻臚卿父孝祖
清規勝範地美才高俄而魏高祖孝文皇帝熊羆覓
騁蒼兕爭先化洽江湘令行天下錄竒異於巖數訪
隱逸於閭閻起家除槃陽縣令轉北海太守流涕孟
侯歌謠稚子從今勤古並駕分駟君膺茲秀氣稟是

續苑十六

廿

淳和三

紫山左金石志

改隸六里方珠比玉左智右

賢擬龍齊鳳得嗟蔡子見重侯相聿始十餘身離艱

苦晨號夕踴柴毀骨立遂使鳩來栖集馬啜蕩草精

通飛走擦貫幽明魏廣陵王愛善如蒼好書比德俾

侯南服妙選英佐託以金蘭徵為國常侍辭不獲已

俛僂從職而侯羸荷盼難交公子介推逃賞終遠晉

文未踰十旬還以病解後彭城王又以皇枝之貴作

牧東秦召為主薄久而從命王藉甚有素不苦抑遣

終遂干木之心乃申安道之志君雅量之地無際可

尋元昆季弟推之京宦同於得喪等槩榮枯含章韜

綵藏明晦用兄元旭散騎常侍出除南兖州刺史弟

叔業通直散騎常侍左光祿大夫高冠映日長戟陵
風譽滿京華聲馳寓縣縱趙孝之讓禮食曾何足云
魯恭之就平名詎堪方此魏廷慰卿崔光韶侍中賈
思伯並聰敏當世器局樹時結四子七賢之交飲醪
投水之密留連宴素付寫矜期黃門郎徐紇與君意
得言忘處權居要恒思不次之舉還疑志不可奪醮
言之暇聊申微旨君荅云昔人有以術忤帝或道質
■王譬之鱗羽本垂飛伏而平生庸短未希簪紱如
斯之貶乞不加己紇愛人以禮兼相欽尚從其所好
不敢繫維普泰之季水德不競蒼雲蓋野紫日生天
烏合蟻徒聚三齊之地豎牙鳴角凜十二之險不異

續苑十六

廿

井中虛言聖出何殊轍■妄号神人拔本塞源摧蘭
天桂春秋五十有四遐迹悲噎聞見涕零惟君大度
不羣峻■孤上託宿假道唯仁與義規矩成則物我
兼忘非夷非惠不石不玉側隱同於子魚友悌侔於
伯雅何忽儻篆山左金石志缺此字今依拓本補山石折智士遽傾以

大齊武平二年歲次辛卯二月乙卯朔六日甲申莖
於百尺里東五里第四子敬脩自惟羅此荼毒眇然
咳幼離竒以生龍鍾而立窮而匡子温慙閔騫岵山
難陟過庭無訓攜鋤而感言下集冠之禽攀松弗昭
寧降成墳之鳥空追士季瞻像載興傷慟日殫觀狀
益增酸哽磬茲鄙拙式序徽猷思與泣俱文兼涕落

先言多不備述。往行盡是闕如。良由才非作者。情隈
蕪次。從父兄敬範。史君伯第三子。脫畧榮華。不應徵
聘。沉深好古。尤工摛屬。勒銘黃壤。以播清風。辭曰
本自高門。世資陰德。從來位重。人兼才識。運海鱗奇。
搏搖翅力。繁枝不已。清瀾焉息。其唯祖英毅。唯父深
沈飛。纓鳴玉。作範垂音。仍生東箭。遂挺南金。素榮俱
美。出處分心。其有應純和。望餘嵇。嵇風阮德。梁遊
大鈞。揔于君子。藝才何劭。闕里儒英。瀨鄉元妙。其道
王天崖。志輕人爵。菊藜危坐。裘採藥。楚漢兒戲。仁
雄寥廓。我如曾閔。何論許郭。其虛言輔善。實驗無親。
石。佳旣落。儋山亦淪。少微之應。遂屬高人。悲王難序。

續苑十六

廿六

痛霍何陳。棋仁厚慶。鍾育斯才。彥歷階武。目過庭鯉。
盼似鳳方鳴。如龍比絢。遺孤在笈。藜焉誰見。其誰見
伊何。慈顏弗覩。朝不食。隣人罷祖。比學西河。擬文
東魯。述彪者固。情深陟岵。棋魚山本志。門豹遺風。丹
青已寫。元窆方崇。思人下淚。瞻蓋悲空。山川不易。規
猷詎終。其嗟嗟。猶子瞻儀。在昔荷恩。惟訓依希。如覲
頌雅。因詩。文託易。追思素道。敬鑄元石。

北周王通墓誌銘

公諱通。其先太原人也。粵乃仙嶽。含靈毓禎。圖而錫
爵。誓淮分淑。應寶錄以開宗。是以三公列而更榮。五
侯封而載錫。自茲厥後。英髦不墜。祖明濟郡中喉舌。

識度冲敏。志業詳確。父增。隨州主簿。鑒履清致。器量
貞邃。公養志中和。資靈上德。趨庭學禮。立身之道。自
逸閒居。不希榮祿。既而門巢結。釁百年之運。已催。楹
夢起祥。九泉之路。俄涉。春秋六十有三。講疾終。於私
第。嫡子脩文。脩禮。衰經露節。痛結寒泉。粵以大周天
和二年冬十月。窆於東城縣東五十里崇德鄉平原。
禮也。東漸巨壑。波濤滉漾。西望層山。烟霞出沒。頌德
音而不朽。感生靈之倏忽。其詞曰。

惟鎬建官。惟唐命職。允文允武。克岐克嶷。開國承家。
禮儀不忒。皇天無親。誕生哲人。樞衣問道。好古日新。

續苑十六

廿

如何不淑。奄喪斯文。前臨叢薄。後眺荒丘。風搏素蓋。
日慘丹旒。庶銘明德。永播芳猷。
東城鎮大水有古墓

衝地得此碑

大隋車騎秘書郎張君之銘

君諱景畧。燕州上谷人。漢司徒華之後也。帝皇布護。
將相蟬聯。備諸圖史。其可伊述。祖驃騎大將軍第一。
領民酋長文城公。又遷燕州諸軍事。燕州刺史。考龍
驥將軍。諫議大夫。奉車都尉。行濟安郡太守。金鄉侯。
君質如披錦。文彩煥然。器若珪璋。光輝朗潤。於是弱
齡表異。聲振朝野。欲止不能。遂被徵辟。起家爲魏帝
內侍左右。尋遷祕書郎。優游鳳沼。去來麟閣。時稱獨

步寔曰無雙。又加車騎大將軍。開皇十一年正月六日。冥不蠲德。奄從運往。春秋六十有八。以其月二十六日。遷窆於相州安陽河北白素曲。未極丞相之年。俄掩將軍之墓。嗚呼哀哉。乃爲銘曰。

昔年慷慨。拖紫垂青。崑山漢水。玉潤珠明。何啻大運。混我賢貞。一辭身世。百代千齡。

玉泉寺智禪師碑

隋皇甫昆

蓋聞乾元資始。三辰著象於天。坤道資生。萬物動行於地。皇王于是建國。賢聖所以垂文。起名教而莫同。制威儀而有別。至於畫卦觀爻。蓋取隨時之象。綜經織緯。通爲政之辭。大禮同和。大樂同節。安上治民。

續苑十六

廿四

移風易俗。斯乃生前之事。畧矣可言。死後之問。仲尼弗語。縱使絳雪縈空。霜拂樹。餌金丹而九轉。吞玉髓而千年。乘雲也。駕五色之。龍遊漢焉。控三山之素鵠。逍遙瑤臺之上。容與珠闕之間。未窺解脫之門。終趣蓋纏之境。唯正覺淵沖。真如妙有。不生不滅。無相無言。隨緣應質。則成形。隨類觀音。則因聲亦說。故有白銀千尺之。金丈六之身。八部般若之文。四種悉檀之義。神通自在。慧力無窮。因導化行。開示悟入。皈依者盡發菩提。迴向焉。普登常樂。是以獼猴建塔。遂生忉利之天。野鴈銜華。復性彌陀之國。豈直日藏沙門。孤遊正道。月光童子。獨見如來。四生因

茲度脫六道藉此超蘇實火宅之高車昏河之大筏
若乃周室昭王之世影奪恒星漢朝明帝之時光夢
如日使旋西域化漸東都寘像南宮申心北面自摩
騰入洛羅什遊秦名教更因道風斯熾經臺像閣寶
塢香山麗溢巖阿綺盈都邑豈期後魏真君之歲後
周建德之年靈廟一除伽藍再滅形容廢毀文字散
遺響落瓊鐘聲沈寶鐸修禪耆舊卷其舌而不談護
戒先賢改其形而晦影世絕調心之路時虧汲引之
途無出世之津梁失生民之大望我隋皇帝乘乾御
宇握鏡披圖友愛蒼生君臨赤子天地同其大德日
月合其重光鼓之以雷霆運之以風雨除暴亂致太
平張四維朝萬國功成作樂治定制禮正道無爲區
寰有截闢泥洹之路開般若之門宣十二分之經流
四千年之法精勤耆舊捨俗歸僧淨住初童持心秉
戒非直法輪再轉法鼓還鳴四海於是無虞兆民因
而有賴委羽乘毛之國慕風化以來庭靈禽嘉貺之
祥應圖書而萃苑巍巍也非境智之思量蕩蕩乎豈
言談而能盡玉泉寺者基此山焉智顛禪師之卜居
也敕旨正名著額其山嵬萼差我崎嶇崩疑峯疑偃
蓋巒似覆船巨石窮竒之象洪崖譎詭之形岡曲抱
而成垣水縈洄而結乳

續苑十六

鸚啼碧樹之
閒日月爲之蔽虧霄液由之散聚前瞻江路卻望荆

岑左帶昭丘。右通巴峽。禪師本姓陳氏。潁川人也。少稟生知。童真剃落。從師南嶽。蘊道天臺。睿智洪才之響。非直播於江南。知機妙辨之聲。固已聞於河朔。皇帝■子太尉公晉王。性稟孝慈。情包惻隱。能臣能子。匡國匡家。蘊神機之智。垂汎愛之心。布君子之心。偃生民之草。往以僞陳納版。受律行師。策妙指縱。威稜江海。遂剋定金陵。化平銅柱。三吳霧卷。百粵塵清。師乃因王利涉。王遂因師受戒。師至此而投院。王奏聞而起寺。於是異域才情之客。慕其道而雲臻。他鄉鍊行之僧。味其風而雨集。師精研道理。盡意談元語。證禪支心。開定本。幽宗博義。若挹海而無窮。辨句清辭。似懸河而自瀉。居朋之友。雖盈量以爭飯。處少之徒。從窮崖而莫反。爾乃信心檀越。積善通人。咸施一材。俱投一瓦。憑茲衆力。事若神功。營之不日而成。飾以經時而就。層臺迴閣。複殿連房。寒暑異形。陰陽殊制。雕簷繡拱。與危岫而爭高。鑿礎鐫基。共盤巖而等固。風光出其戶牖。雲霧生其棟梁。華炫耀於金盤。氣芬芳於玉樹。工圖相好。湛若金僊。匠寫真容。凝如滿月。殿起三層之柱。簾懸自響之鐘。堂開千葉之華。蓮捧飛來之座。燈光不滅。灌海逾明。刹柱俱低。承幡自舉。吉祥柔滑之草。爛熳依庭。送風和氣之香。氤氳滿院。斜通洞穴。直柱凝泉。色似琉璃。味同甘露。波投鼎鼎。

浪瀉陞堂飲腹消疴洗軀愈疾石柱銅梁之狀影如
蓮池桃源菊浦之華香浮柰苑可謂山類耆閣寺同
離越似龍宮而出見疑鹿野以飛來竊以前王鑿鼎
惟論體國之功今共刊碑永記菩提之道余任宰屬
城寺居所部文雖寫意書不盡言其詞曰

二儀開廓四氣氤氳方以類聚物以羣分通賢通聖
明后明君隨機設教觀化垂文樂章既造禮儀方制
定此親疏決茲疑滯披圖辨物屬辭明例唯化一生
不論三世元都玉簡紫闕銀經解尸遺骨飲液吞精
乘龍萬紀控鶴千齡終非實相猶是塵情唯有大雄
湛然常住不生不滅無來無去千門妙旨一音演諭

續苑十六

廿七

度脫衆生涅槃雙樹夢通劉后感應姬王恒星掩耀
滿月澄光寫形東國指聖西方慈悲願海善逝津梁
法顯還晉摩騰入洛花散經臺香流像閣釋教鬱起
桑門盛作露泣珠幡風吟寶鐸真君建德運鍾滅道
淪沒四生毀除三寶我皇啓聖德侔蒼昊妙法更宏
眞儀再造陳氏僭號王赫斯征勾吳霧捲閩越廓清
因逢智者延謁山庭珠生浮漢玉出荆華峯嶂屹
石洞淵懸芬芳菊浦滴瀝瓊泉盤渦似谷覆嶺疑船
來儀晏坐觸地蕭然妙辨悉檀深窮般若緇素雲會
挹其河瀉或施之材或投之瓦經始不日翻成大厦
更起龍宮還閣鹿野山連紫蓋江抱黃牛西臨月峽

東接昭丘春牕夏牖水殿山樓旃檀圍繞琳碧還周
塵吐芙蓉龕懸石鏡白毫相好紺髮輝映銀鷺徘徊
錦鱗游泳騰猴心靜怖鷄影定猗歟哲王命也蕃屏
自天生德孝誠俱秉旦奭非儔閒平詎并出總連轡
入調鐘鼎構此伽藍實資力請魔殿嚙嗑須彌鬱律
條覩刼終俄看燒訖豈如彼岸生死皆出金石不朽
天地可畢鐫勒巖阿永垂懋實

續古文苑卷第十六

續苑十六

廿

續古文苑卷第十七

賜進士及第授通奉大夫山東通省督糧道加三級孫星衍撰

碑志三

大唐左屯衛將軍姜行本勒石紀功碑

昔凶奴不滅竇將軍勒燕山之功閩越未清馬伏波樹銅柱之迹然則振英風於絕域申壯節於異方莫不騰茂實於千秋播芳猷於万古者乎大唐德合二儀道高五帝握金鏡以朝萬國調玉燭以馭兆民濟濟衣冠煌煌禮樂車書順軌扶桑之表俱同仁化所占濛汜之鄉咸暨苑天山而池瀾海內北戶以靜幽都莫不解辮髮於藁街改左衽於夷俗高昌國者乃

續苑十七

是兩漢屯田之壁遺兵之所居麴文泰即其苗裔也往因晉室多難羣雄竟馳中原之主邊隅遂隔閒屆戎狄竊号稱王歷至今靡聲教自皇威遠被稽顙來庭雖沐仁風情懷首鼠杜遠方之職貢阻重譯之往來肆豺狼之心起蜂蠆之黎庶賊殺無已聖上懲彼蒼生申茲弔伐乃詔使持節光祿大夫吏部尚書上柱國陳國公侯君集交河道行軍大總管副總管左屯衛大將軍上柱國永安郡開國公薛萬均副總管左屯衛將軍上柱國通川縣開國男姜行本等爰整三軍龔行天罰但妖氛未殄將軍逞七縱之威百雉作固英奇申九攻之畧以通川公深謀

閒出妙思縱橫命 前軍營造攻具乃統沙州刺史
上柱國望都縣開國侯劉德敏右監門中郎將上柱
國淮安縣開國公衡智錫右屯衛中郎將上柱國富
陽縣開國伯屈昉左武侯郎將李海岸前開州刺史
時德衡右監門府長王進威等並率梟雄鼓行而進
以貞觀十四年五月十日師次伊吾時羅漫山北登
黑紺所未盈旬月克成奇功伐木則山林殫盡叱咤
則川谷蕩薄衝梯躡百 冰釋機槍一發千石雲
飛墨翟之拒無施公輸之妙詎比大總管運籌幃
繼以中軍鐵騎亘原野金鼓動天地高旗弊日長戟
葦雲自秦漢出師未有如斯之盛也班定遠之通西

續苑十七

域故迹罕存鄭都護之滅車師空聞前史雄圖世著
彼獨何人乃勒石紀功傳諸不朽其詞曰

於赫大唐受天明命化齊得一功無與競荒服猶阻

夷居不定乃拜將軍殄茲梟鏡其六奇思羣雄逞

力陣開龍騰營麗星光旗明日色揚旌塞

表振威西極其峨峨峻嶺眇眇平原塞雲暝結胡風

晝昏高樹銘功讚德

貞觀十四年歲次庚子六月丁卯朔廿五日辛卯立

瓜州司法參軍河內司馬

碧落觀碑

唐李訓

有唐五十三祀龍集敦牂哀子李訓誼讓謀銜恤在

疾寘懷靡所永言復鄭釋德思樹良因敬立大道天

尊及鄭釋侍真像粵若稽古藐覲遂初真宰貞乎得

一混成表於沖用元之又元蹟超言象之域惟恍惟

惚理冥視聽之端是以峒山順風勞乎靡索汾陽馭

場焉至於玉笈宣徽琅函吐祕方壺神關蒙穀靈遊

倏忽九陔導飛廉而從敦圉俯仰六合戴列星而乘

雲氣固亦昭章逸軌肝嚮孤風淳化其瞭幽契無爽

伏以先妃含貞載德克懋瓊潛研堂儀延慶台華

正位藩閫動容資於典禮發言光乎箴訓故紘縱是

肅粲盛無違大當叶曜中閨以睦况倚閭分甘之澤

續苑十七

徙居側昉之規義越人倫恩深振古重以凝神道域

抗志澄源淮館儀僊操鄭釋鴻寶之靈術楚壇敷教

暢微言之盛範元兼洞真俗兩該德冠母儀事高

嬪則豈圖昊天不惠積善無徵咎罰奄鍾荼蓼俄集

訓等痛纏過隙感切風枝泣血攀號自祈鄭釋眞殞

祇奉嚴訓慈鄭釋勉備隆偷存視息建鄭釋邁移氣序几筵

寂寞瞻望長違創巨徒深寄哀何地所以貪及

餘漏祈福元宗敬寫真容庶幾終古而土木非可久

之致鎔鑄為誨盜之先肅奉沖規圖輝貞質粹容傲

彩若琳房之可觀霓裳交映鄭釋駕其留帝晨飾

翠雲之宅

美鄭釋

香童散朱陵之馥，載彫爰黻，式展

祈，以此勝因，上資神理，伏願栖真，碧落飛步，黃庭謁

羣帝於天關，攜列仙於雲路，融心懸解，宅美希夷，佞

鄭釋

儀鄰以同

洞鄭釋

真指乾坤而齊極，介茲多祉，藩

度惟隆，如山作固，永播熊章之祿

鄭釋

循陔自勗，冀

申烏鳥之志，孔明在鑒，匪曰道遐，昌言

潛研堂跋

尾釋作

閣庶其

鄭釋

無拔，昔人銜哀罔極，鉛槧騰聲，柔疑

紛克，劭義切張憑之誅，至德興思，痛深陸機之賦，况

清輝懋範，宛若前蹤，瞻言景行，敢忘刊紀，餘魂弱喘

情不逮文，謹託真猷，直書心事，音儀日遠，風烈空傳

敬

鄭釋

心感慕，終天何及

此碑有感通十一年鄭承

規釋文復爲訂正數字

續苑十七

唐宋州司法田君墓誌銘

君諱宏敏，其先北平人也。自虞承帝錄，派媯汭之神宗，陳恒制齊，遂開國而爲姓。若乃錫土隆家之美，贊玉帛於緡圖，陳規獻策之謀，著英猷於寶牒，祖由玉山，齊映瓊萼，流芳器纍珪璋，質懷杞梓，韞劉龍之英，美躍管驥之高衢，彩匣韜輝，金章絕韻，詞林振穎，筆海浮瀾，秀氣烟高，靈規聳見，貞風槩俗，勁節澄襟，被揚歷而見徵，應翹車而入聘，隨章武郡功曹，父恭，藍田孕質，驪穴騰輝，志岸冲清，器該博物，雄材雋狀，亘孔，仞以逾高，雅度汪深，湛黃陂而彌浚，名馳荆楚，德洽重筵，隨高陽縣尉，君英靈迴秀，壯志遐

韞雄

圖蘭風特振。貞明絕俗。雅道淹通。藻駕雕龍。聲充振
鷺。清辭雄辨。陵酈子之卿。脣逸氣高談。鄙蘇張之緩
頰。洞該物務。統六陸於周邦。備曉公方。館四人於鄉
邑。既而奠楹。構孽夢豎。延凶寢疾。彌留俄頃。薤露以
永。淳元年九月十二日。歿於私第。春秋六十有四。豈
謂服谿掩耀。悲隙影之無留。積玉沉輝。泣清川之永
謝。以■■元年正月二十二日。遷窆於任丘縣西南
五里本鄉禮也。其地東連博陵。西叩金堤。膏腴控其
前。平林亘其後。嗣子務仙。嗣孫神傑。神冲。承族等。櫻
蓼莪之巨痛。陟霧岵而長號。扳罔極之哀荒。抱霜荼
而永泣。恐以炎飛岱嶺。庶梓域之長存。岸谷遠遷。冀
松區之尚在其詞曰。

續苑十七

少

承芳軒。胄分裳。陳成建邦。啓土代襲。英聲降生。明哲
雋。又馳名。高軌運流。景命乃傾。誅生前之茂績。刻嘉
號於泉局。

大唐懷州河內縣木澗魏夫人祠碑銘并序

唐路敬淳

蓋聞元圃青宮。仙客於焉來往。丹丘紫府。羽人之所
棲集。微祕錄於淮王。時逢八老。採神竒於魏帝。取覲
雙童。子喬控翮。翔赤霄之上。琴高擾鱗。游泳淶波
之下。斯並心符寂養。神契窈窕。匪塵俗之能羈。簪纓
之所屈者矣。茲有鮫容雅質。貞規淑態。韞真氣於閨

房挺仙才於閩闕。嫦娥採藥奔月。朏以含精。靈媛投壺。曄電光而吐耀。漢皋游女持珠對南國之賓。洛浦神妃鳴玉俟東藩之后。莫不名芬紫翠。道標黃白。列真非一。往往致焉。魏夫人者。即是晉劇陽侯任城魏陽元之女也。本傳曰。夫人年二十四。適南劉幼彥。幼彥爲修武令。善爲德政。仁風惠著。時夫人隨在修武之館焉。雖魏同舍縣內。常齋于別復。季冬之月。夜半聞空中有鍾鼓笳簫之聲。羽旂光耀。降夫人之靜室。輦輦被服。非人所聞見。有四真人告夫人曰。大帝勅我來教子以神真之道。注子於玉札。應爲紫虛元君。上真司命。名山之號。封南岳夫人。後爲洛陽山成真。

續苑十七

六

人因爲立祠。土俗號阿夫神。原夫鎬京疏社。公高克勤於小物。參墟命族。畢萬連休於大名。丞相之匡翌漢庭。比蹤蕭酈。司空之弼諧晉室。方譽裴山。積德攸鍾。餘慶斯在。況復彤雲授彩。衍豐谷之靈苗。白水開源。導春陵之茂族。乘龍合好。鳴鳳于飛。結大義於絲蘿。諧佳音於琴瑟。劉氏絃歌作吏。同墨臨人。惟彼外持。爰資內輔。服勤慕組。良毗製錦之工。肅事蘋蘩。且佐烹鮮之術。猶以爲六法四行。豈離夢幻之場。九轉三仙。方出塵勞之境。朱庭翠閣。事甚樊籠。元鬢紅顏。理同泡沫。於是撥煩疏躅。練志凝魂。潔成道室之階。列竟師門之宇。悠悠永夕。紫煙昇而庭院虛凜。凜窮

陰。元霜冽而池館靜。乃有仙鍾簇韻。如發漢鯨。法鼓揚音。似棲吳鶴。簫聲寥亮。仍符弄玉之臺。笳奏淒清。有異文姬之殿。綠輶朱節。真衛相趨。霞佩雲裙。仙儀在列。昔安公之冶。叶冥契於昇龍。木羽之鄉。應祥期於御馬。眷茲元感。異代同符。故能迴鶩三清。高超八會。持法印而含元氣。合真符而昇太極。金記五千。職隸九元之史。玉言十萬名彰。八素之書。足使上元夫人。憇其嘉号。元妙玉女。媿其芳聲。豈與夫障日至山。薦枕蓆而通寢。順風江澳。懷環珮而申贈。復有躍魚酬惠。愛鳥遺灾。清溪白岸之姑。阮氏絃生之儷。若斯而已矣。夫以王母既集。西漢列其霄筵。帝子斯臻。北渚歌其夕漲。是用恢勝宇。創祠壇。想希夷其若存。庶恍忽其無昧。建立之始。年代莫詳。爾其周晉名區。覃懷輿壤。蘇子攢茅之域。寇君剖竹之郊。孟津南注。控河流於馬頰。太行北指。啓山路於羊腸。川原相屬。風煙交會。鬱彼仙觀。揭焉中立。綵之以丹青。陳之以藻繪。效靈妃之啓齒。圖殷女之練色。行亭三襲。俯瞰川湄。茅攔四注。却連山阜。巨石崔嵬。像蓮峯而特秀。奔泉澗洒。瀉松澗以飛湍。微靄觸而流津。清飈激而成韻。瓊桃仙棗。散綠垂紅。珠寶金條。含緇佩紫。八林芳桂。凌冬霰以揚葩。五株仙杏。負春晞而布葉。莫不夾戶蘿生。垂簷接蔭。可以返魂駐寄。忘憂愈疾。至若吉

日良辰。高人勝士。黃冠紫綬。忘貴賤而同歸。白屋朱
門。混榮枯而畢萃。敬而不黷。誠稟訓於懷柔。感而遂
通。諒虔心於正直。於是採蔬東海。折菓西山。傾玉酒
而泛流霞。酌金漿而挹甘露。神交妙有。想白鳳之來
儀。道契虛無。佇黃雀之爲使。丹梯可躡。必超上漢之
■練馭斯■。越無生之浪。誠洞真之苑囿。靈寶之
區域者焉。秋官尚書。檢校懷州刺史。南陽鄧府君。道
光天爵。慶發地靈。躡泰階而高視。寔攬天而騁力。題
劍舁朝。秉形之寄。攸重。佩金增秩。仰福之任。逾隆。長
史隴西李知人。司馬南陽鄧楷。河內縣令。鉅鹿耿仁
惠。或展驥。亨衢。化康邦國。或割鷄。遊刃。功茂邑民。思

續苑十七

靜力於迴天。獸勞生於寂地。識明(元)。扎跡寄道。樞半
判毗藩。則晨趨飛其鶴嶺。一同作宰。則元會降其鳧
鳥。每慮陽軼再旬。具虔馨於斯谷。陰衢潔朔。薦行潦
於茲巒。縣令仁惠。稟氣孝恭。祭則神饗。天然感物。祈
必靈歆。所請甘霖。未迴車而降澤。但求膏液。迎舉意
以零滋。彌媿神之厚恩。故勒銘而旌德。而碧落清窗。
顯在百城之次。椒庭桂門。近臨千室之中。瞻石梁而
靡閣。仰瑤臺而何遠。夫降仙成宅。西岳紀桓譚之賦。
尋真起詠。南溪聞郭璞之詩。是以輕率下民。仰追前
列。寄諸貞珎。題其頌云。
畢筮初占。係復其始。甯門有相。甥膺廟美。珠胎孕寶。

玉仙昭祉。寔唯靈媛。作嬪君子。取譬鸞鳳。言邊魴鯉。早明八素。夙悟三元。呪神爭術。食蓬募仙。紫書題記。白簡開編。躑遊芝圃。倏見華田。輕飛起月。高訓垂煙。戒遵靈壇。載規神宇。却倚巖壁。前臨澗浦。偃蹇雲棟。清泠風戶。怪石竒木。鳴蟲嘯羽。居茲地聖。坐同天柱。瀆妃去魏。弄女辭秦。陽臺之下。暮雨稱神。洛川之側。朝霞韞真。窈窕高蹈。寥廓上賓。思道業。用述微塵。大唐垂拱四年正月五日建。文館學士路敬淳製。勝果院僧從謙書。

大唐故朝議郎行澤王府主簿上柱國梁府君

并夫人唐氏墓誌銘并序 唐梁朱賓

續苑十七

九

君諱寺。字師暎。雍州藍田人也。丕承帝緒。自雍墟而逮夏陽。克勤王家。由安定而宅京兆。其如葛氏昆季。列於三方。有類林家。昭穆光乎十德。至若衣冠禮樂之盛烈。廉孝賢良之儀表。固以烏奔當代。昭彰季葉者乎。曾祖遵。周秦州清水縣令。遽賒相用。勞逸兼資。重泉之磬。載昌單父之琴。斯洽。祖殊。隋監門錄事參軍。德以潤身。學以從政。八屯由其式序。五校於是克隆。父柱。皇朝奉義郎騎都尉。識量夷雅。風神耿介。青田表秀。丹穴攜祥。進而不榮。安乎散列。退而不野。鄰乎湫隘。君承積善之餘祉。挺生人之上姿。因心而好。孔墨抗跡。而齊曾閔。縱王佐之竒表。揚于王庭。屈公

輔之宏量。薄遊公府。咸亨四年。授文林郎。班列也。日者東風爽候。西旅不庭。三軍之坐甲之資。七萃興懸磬之歎。君散陶凝慮。指困推誠。躬親餽餼之勞。式周儲峙之務。恕己及物。下布人謠。憂國忘家。上紆帝念。永隆二年。恩詔授上柱國。道光西漢。已極武功之尊。名冠南荆。竟保昭陽之貴。既而上僊興慕。下代纏哀。梁山降白鶴之祥。畢陌啓青烏之兆。君悲深考逝。義切子來。茂績顯於園塋。豐功徹乎旒宸。垂拱元年。授朝議郎。行澤王府主簿。以枚馬之英規。偶閒平之上邳。英風扇乎蘭坂。茂躅隆乎桂山。東閣由是希聲。西園以之藉甚。豈期攝生謬理。與善失常。西山何高。未

續苑十七

接仙童之羽。南溟尚遠。翻墜化鵬之翼。以垂拱四年十月五日。終於長安懷德里第。春秋卅有一。夫人晉昌唐氏。名惠兒。後魏驍騎將軍本郡守契之七葉孫。即故司農寺長樂監敏之第二女也。巫山降祉。巽位擢精。挺琬琰以成姿。懷冰霰以清慮。纂組織紉之務。早擅女工。幽閑婉孌之規。夙彰婦德。恭謙娣姒。宗族所以推先。肅事舅姑。閨門由其作訓。將以鸞驂並鷺。常接影於仙樓。不意龍劍雙沉。竟連形於寶匣。以垂拱四年九月廿七日。終於長壽里第。春秋卅有六。粵以其年十一月十七日。合葬于終南山榭梓谷口。隋信行禪師林側。倍大父錄事參軍之舊塋。由夙志也。

惟君器周大雅德備中和敏彈衆藝好兼靈迹牟子
博之異錄動息會其情虞孝敬之奇記俯仰該其術
黃金積釜鎮寫真容白玉成田併開精舍夫人亦凝
心貝葉屬思曇花幼彰龍女之功長契勝髻之德婉
茲嘉偶咸借慶於一乘倬彼好仇並歸神於八正其
子景先等以爲形資業起業立則形存化以緣生緣
亡則化息履霜增感豈若奉於遺音聞雷警慕固可
說於真侶式崇寶構虔考勝因寄篆刻於幽岵庶飛
芳於奪里其詞曰

霸秦支子始國于梁帝堯景胄必復其唐易代載德
繼軌傳芳雅符秦晉信叶潘楊其於惟君子夙承家

續苑十七

十

慶顯允夫人早標門令笙簧其德黼藻其性問望備
隆容工兼盛其身由業立果乃因成共資有相並證
無生八正凝想七覺馳情德踰善德名蓋淨名其積
善方融輔仁無淮始驚炭折俄看薪盡悲哉則豹騎
連翔痛矣則螭軒接軌門庭兮簫索墟落兮淒緊
哀哀鞠子感感遺孤共詳勝地式奉先墓構曾臺於
翠阜刻貞石於黃壚山山兮塔往往兮真徒

四品孫義陽朱賓撰文五品孫榮陽鄭莊書

大唐故右虞候副率檢校左領軍衛將軍上柱

國乙速孤府君碑銘并序 唐苗神客

天地之大德曰生聖人之大寶曰位生不可以無宰

侯有道以存之位不可以無寄。侯有德以尊之。故朔極剖天。張維闢寓。大君有作。俯而乘雲多士聿興。仰登山而捧日。可久可大。闡洪業於非常。立德立功。垂大名於不朽。存而爲一時之傑。歿而爲百代之英。爰有異人。今可得而聞矣。公諱神慶。字昭祐。其先王氏。太原人也。昔房以天戈耀象六英聞鳳舞之祥。后弃以星袂興農。萬里曆鸞歌之域。帝圖克峻。王道攸歸。周德方隆。翦商以光其業。齊功可遂。敗狄而有其勲。官族著乎天下。統緒傾乎海內。五代祖顯。後魏拜驃騎大將軍。偉德挺生。稟嵩岱之精魄。洪川派別。洩江海之波瀾。倚拔千仞。盤紆九野。遂賜姓爲乙

續苑十七

十一

速孤氏始爲京兆醴泉人焉。有命承家。代功居寵。然後以周畿委輅。奉春異鍾鼎之門。漢殿乘軒。田秋匪珪璋之操。言其榮閎故無得而傳之。曾祖貴。齊右衛大將軍儀。同三司使。持節都督岐州諸軍事。岐州刺史。周上開府儀同三司。肯附大夫。隨河州諸軍事。河州刺史。河州摠管。太子右庶子。和仁郡開國公。祖安齊前鋒都督。周右武侯。右六府驃騎將軍。開府儀同三司。使持節。葺州諸軍事。葺州刺史。隨益州都督。襲封和仁郡開國公。拜前拜後。惟昭惟穆。咸以忠貞之操。並資文武之才。終始一心。雖百君而每合。出入三代。居八命而逾隆。父晟。皇朝上開府右武侯。右廿府

左車騎將軍轉驃騎將軍。令緒逾崇。高門克大。岳靈鳳德。紹賢越以相趨。河目龜文。識公侯而繼出。公山資海授。星傑雷英。跨俗騰彩。驚時駭矚。雖仲連飛兔。追日電以長鳴。而諸葛臥龍。候風雲而戢景。俄屬龍鼉。架海。後鶴凌江。黃神吟而寓縣分。素靈歎而區域震。高祖神堯皇帝。開天躡步。翼日騰精。偃橫流於九海。蕩洪氛於八極。雲雷憤薄。興於晉水之涓。天地氤蘊。闢於渭川之浹。于時邑居幅裂。豪俊棊分。鵲起逢時之心。寰中既擾。鳥止于誰之室。寓內攸瞻。公乃蓄悟井之深幾。載驅驪鼻。知躍泉之秘蹟。言訪龍田。獄訟歸禹。不忘於寤寐。歌舞迎周。獨斷於襟抱。以義寧

續苑十七

十一

之始。乃奉見於涇陽。初蒙恩命。預叅秦府。從平京邑。授通議大夫。賜物六十段。戎章克峻。雖策勲而既重。國圖伊始。以門胄而方榮。乃取祖萇州府君之資。任右親衛。于時雖地閉金策。翦鷄甸而斯安。而池阻玉華。亂雞津而未靜。公於是奉陪八校。薄伐三川。從討王充。破青城堡。賜物二百段。并袍衫牛等。加勲大將軍。武德元年。又征薛舉。二年。復破武周。神兵四舉。每推亡於後服。英圖百勝。必賈勇於先登。時宋金剛尚憑地險。更勞天伐。公乃因機有捷。燭雲火之高輝。應變無方。刊風灰之遠陣。平寇之後。蒙賜馬及金鞵絲物百段。王充以巨猾。窺豐假位。號於成周。建德以大

盜因時竊仁義於全趙恃連雞之援以阻危邦託刑馬之盟方爲與國大宗乃韜龍豹旅貔貅黃鉞排天朱旗斷霧沸洛川而憤角震嵩巖而疊鼓王充以迭食爲命不移蚤駟之心建德以弱甲相依無舛螳螂之衛公乃懷竒請奮受命長駟破王充千金堡并從擒建德預軒勝於元苻奉堯績於丹浦燕趙俄獲蚌爲脯而無遺虞虢終亡馬服輿而不失加勲柱國賜物二百段劉黑闥擁銅馬之餘孽氣蘊圖南阻金鳳之長川兵雄趙北公乃從平清漳洛水二因遂俘之授上柱國賜并口馬等綵物一百五十段粵以超時之効恒當不次之恩滿寵受田殊非異賞

續苑十七

十九

李忠錫馬遂多慙色尋又從破徐員朗復著竒勲既而聖情載洽念功勞特蒙賜用表深榮太宗以元雲入戶未改唐侯之爵白水開錢猶踐蕭王之號秦王府妙資左右公以良家首辟令長上仍賜大袍旣而飛鷁侵長虹竭井雖域中四大正西北之傾維而天下一家有東南之反氣太宗乃殄茲方命殲厥流言推大義以龔行至公而克翦公以九年六月四日載靜姦回因而侍衛十旬不出旣而汾陽脫屣代邳承祧高鳥盡而藏弓歸獸存而去戰公乃方從挾策且欣橐矢結墳籍而爲呂驅禮義以爲禽然以七德攸歸五營斯佇方始執鞭之任式隆初簣

之基以貞觀五年授右衛勳衛

七年賜絹一百疋八年授右勳衛校尉公以懷

才樂道緯武經文學而時習顛沛必於函丈功成不

居終始存乎退尺每策勲而命賞常後已而先人所

以幽谷非遷望喬木而韜響澠池徒奮坐大樹而銷

聲雖薄遊之志每深而厚祿之期終及十年蒙授游

擊將軍守左領軍長春府別將仍於永豐倉留守

佳兵七萃左帶皇畿敷庾千箱傍臨陝服正壘壁其

斯重瞻海陵其已陋聿兼其任隆寄存焉十二年以

琰極西傾玉鸞東整皇輿帝早肅龍駕於風雲天動

神行揚鳳旗於日月董司戎禁載佇忠賢車駕自東

續苑十七

十七

都還京乃勅公檢校右衛勳上府郎將十七年以震

宮養德乾心佇乃詔曰公官公志懷強濟計畧

沈遠勞効著於戎旅恪勤宣於階闈宜加榮擢周衛

諸闡可守太子右衛率府勳衛郎將於是青闡振景

絳地增暉招搖之桂連芳共蒼琅之竹比節同

十九年馬邑慙職無踰於驟山之義龍顏憑怒有事

於遼水之陽驚雷輜於碣石洗天兵於海島時高宗

天皇大帝銅樓毓粹玉裕流溫雖義在懸弓宜扈於

擒縱而時方主鬯實資於監撫乃州留守命公

等奉儲闡廿年丁驃騎府君憂去職還輟趨巷偏

悲陟岵絕漿九日已摧唐頌之心茹痛三年每泣高

柴之血。廿三年。詔授太子右衛率府翊衛郎將。犀鈎
在飾。鶴登榮。抑禮援琴。仍奉樂風之韻。踰暮改燧。
更承重日之輝。旣而龍躍在天。正銀題於紫極。鴻飛
漸陸。振玉羽於元霄。高宗即位之後。授右衛中郎將。
永徽三年。除守右驍衛翊衛中郎將。張奐坐帷。奮雄
邊之遠畧。馬卿建節。馳喻蜀之高文。才宦雙美。括囊
千載。五年。詔守太子右虞候副率。尋加兼太子右虞
候副率。徐邈授經之彥。師表攸存。下敦良將之才。閑
邪是屬。公之授也。斯實兼焉。俄屬六麟。徐駕御西京
之霧雨。五牛遐拂。俯東洛之風煙。鈎陳旣委。英賢是
賴。駕幸東都之日。檢校左領軍衛將軍。尋又駕幸

續苑十七

十六

衛將軍。仍知六閑馬事。溫驪籥景。戴於雪谷。瑞
生風。銜珠耀於井。賦無不理。帝有嘉焉。俄又兼
太子右衛率。惟不秩寔。茲以建功。
茂仲以主門興績。瞻言故實。英尚斯途。公以儔之。則
爲優矣。方冀有仁必壽。有壽必隆。而位未極於鈞璜。
問望周之浦。齒不延於練玉。遽頽觀魯之峯。以顯
慶五年八月廿四日。遘疾。於之。
第。春秋六十有二。冕旒興悼。哀榮兼極。勅書垂慰。
贈贈逾隆。詔問嗣子行儼等。并賜物二百段。粵以龍
朔元年歲次癸亥二月戊午朔十九日。巽時。潛研堂
金石跋

尾云癸亥乃龍朔三年非元年也又以通鑑目錄考
之龍朔元年二月丙寅朔三年二月乙酉朔俱非戊
午朔碑版之文所紀年月宜得其真而抵牾如永曆
此殊不可解然此碑決非後人所能偽作也

於雍州醴泉縣履中川以從先亡禮也惟公降象辰
緯誕靈川岳德光寶璧舒白氣以成虹才苞利器橫
紫氛而射斗昔在髫初即踰常類嶷然殊狀如旭日
之吐青山湛乎深識若明月之含碧海克岐日就至
性天成教以義方則行之靡失越而有訓則奉以無
違承顏必當於隱犯知年每形於喜懼不愆于德瞻
梓無以措其微未嘗有過折捶無以申其罰洎乎歷
丁艱疾殆不勝喪在驃騎府君之憂公時已班隆貴
屢將毀滅痛深朝野于時乃有巢鷦乳于倚廬觀聽

續苑十七

嗟古今攸絕豈止許孜永慕栖鷓翟於虛檐下密
窮哀翔鳧於沼若斯而已矣加以友于成性卜
愛爲懷共駕無睽屢拯鍾輿之同衾有慰每追姜
室之歡兄弟數人公爲其長居上斯睦撫下以仁韡
韡增映怡怡可樂其後五門將闢三荆遽慘公乃責
深自箠悲共氣而無終訓切在原泣分形而有異雖
同胞竟阻王脩之喻罕遵而推產不干卜式之資未
給公以鼎貴餘業財踰巨萬一無所取咸以讓焉遐
邇嗟伏宗姻駭歎公以幼承教義早聞詩禮德思潤
己學尚專門俄屬有隨蕩覆生人殄喪鄙書劍而事
干戈奔俎豆而脩軍旅故得藝彈弧矢精極韜鈴戟

枝楊葉窮取睽之妙。金匱玉堂盡殪戎之術。所以革車每次大戢斯殲。慮靡遺策。兵無挫銳。非以賞而邀利。寧以功而自伐。然則因時命律。積稔論兵。受而莫違。當厚惠而居百夫之長。推而不有。委榮名而辭万户之侯。卓矣高蹤。魯連豈唯於蹈海安乎。卑位曷備。遂勞於執戟。大雅君子斯之謂焉。子國子明經高第。朝請大夫行綿州司馬行儼。寧遠將軍守岐陽府長上折衝行均游擊將軍守甘泉府左果毅都尉行方等。或傳經綜業。或良弓嗣美。誠在孝而斯勇。寔致果而爲雄。仁者安仁。心無昧於觀行。將門有將。理不差於必復。旣而匪莪嬰酷。悴柏纏哀。攀蠹索而增慕。循鑿楹而載感。於是乃與昆季聚族興言。以爲陵谷難恃。風猷易絕。雲臺入畫。莫究遺芳。天祿藏書。方成蠹簡。欲垂不刊之跡。必存無媿之詞。於是爰勒他山。用旌斯烈。無使波空渤澥。識墮墮淚於千齡。麓徙琅琊。傳受辛於萬古。其詞曰。

續苑十七

十九

立功立德。惟武惟文。銘戈著範。勒鼎昭勲。名懸日月。氣凜風雲。誰其克紹。卓矣夫君。緒派伊笙。望隆淮筮。肇錫宦族。卽榮昌囊。袞服有輝。旗章靡替。明明斯謀。高門是繼。英英亮狀。灼灼瑰奇。不憊于道。無忒其儀。光含巨闕。彩振長離。公山比驥。呂望非麗。運屬時屯。道來人傑。鵬圖鳳舉。雲迴風烈。濟水秦亡。登山趙滅。

功成百勝途夷九折已建宏勳俄膺懋寵期門甫陟
羽林初奉帝庾斯衛儲兵載擁寓省才高司階位重
官連四率望越五營聲芳漢將氣表周楨未登台室
遽掩佳城哀纏國寶痛結人英樹慘王哀松凋許泣
九泉長送百身何及鶴兆方兼烏墳永戢山秋月思
野寒風急傳鈞令緒待漏英才蘭期奄隔楸思俄開
圖芳隧路紀德泉臺九原徽烈千古風埃

大唐

二年歲次庚寅二月戊申朔十九日景寅立朝
散大夫守著作郎

文館學士兼修國史上柱國濟

南縣開國男苗神客撰淨普寺釋行滿書

此碑下截缺字餘亦

漫漶舊醴泉志巴云存二千五百餘字今據舊拓本書之十得八九勝于王氏萃編所載為多矣

續苑十七

十九

大周無上孝明高皇后碑銘 唐武三思

愚鉅聞二儀合德中黃承太子之庭兩曜齊明玉兔儷
金烏之象是以九霄高映躔垂婺女之精十野傍
羅嬌水叶娥皇之德亦有西陵美族軒帝之宮
南土嘉媒入娉夏王之幄其後大任端一即創文基
大妣勤勞還開武運故知皇王事業咸資坤黼
功帝五風謠必藉陰靈之化無上孝明高皇后
仙掌至弘也出自有周蓋唐時叔虞之後原夫赤烏
流火丹雀銜書爾初開夢梓之祥旋茂翦桐之業自
唐郊徙邑晉野裁封即胙土而有家啓禎符而得姓
周則志為大將承九代之餘庇秦則款為上卿居七

城之重任。豈直十生丹敷。金子烏弈於都畿。四代白
環。玉緒蟬聯於海縣。子雲博識吐鳳摛詞。伯起高材
銜鱸襲祉。誕璽纏不墜。降靈相屬。神基與紫嶽爭高。
仙派共黃河俱遠。所以山隆鐘鼎。壑壑積衣冠。五公
則異代相傳。八子則殊牽。罕聞出。詳諸國史。可畧
而言。曾祖諱定。後魏都督。歷新興太原二郡太守。并
州刺史。晉昌穆侯宏材卓犖。峻局深沈。丹山有象。
之彩。綠莖見遺風之步。褰帷按俗。風行馭竹之郊。露
冕臨生。化偃焚林之阜。直鄧攸罷郡。深歎雞鳴。劉寵
辭官。方憂犬吠。祖諱紹。後魏征西將軍。金紫光祿大
夫。兼通直散騎常侍。驃騎大將軍。周開府儀同三司。

續編卷十七

廿

封儻城郡公。鄜豳燕三州刺史。贈使持節大將軍。成
文扶鄧洮五州諸軍事。成州刺史。謚曰信。聲飛漸陸。
響逸鳴臯。器重南金。材橫東箭。謀深八陣。勇冠三軍。
既隆投石之勲。果踐銜珠之秩。加以金龜結紐。銅虎
分符。轉扇揚風。停車待雨。童兒結要。無欺一。知之
期。親友論刑。自得二。不狃之詠。父鄭恭。王諱達。周內
史中大夫。隨開府儀同三司。黃門內史。吏部刑部二
侍郎。尚書左右丞。趙鄩二州刺史。工部吏部二尚書。
上言營東都。大監將作大匠。武衛將軍。左光祿大夫。
遂寧恭公。贈吏部尚書。唐贈尚書左僕射。垂拱二年。
封鄭王。食邑一萬戶。依舊謚曰恭。即雍州牧思徒觀。

德王之季弟也。量包江海，氣逸煙霄。文則呂氏春秋，武則孫吳兵法。箕裘代襲，鏘鏘萬石之君。禮樂基身，翼翼千金之子。鸞迴玉札，鴈落瑠弓。激水張鱗，遙浮渤澥。搏風理翰，直上扶搖。累踐崇階，頻昇顯秩。翬韃北闕，位揔貔貅。曳履南宮，聲高鸛鷺。貂冠入侍，氣應連珠。隼旂分班，榮叅執玉。加以累仁踵趾，積德延祥。四履開封，寵及九泉之路。千乘禮恩，覃萬古之前。棠棣相輝，鶴鴿交映。劉家兩驥，譽滿寰中。荀氏八龍，名高海內。通門向術，冠蓋成陰。甲第當衢，歌鐘就列。伏惟無上孝明高皇后，資靈囿，翔魄毓粹。宮承茂祉，於瑤筐降仙儀於金屋，聲馳卅歲，潛流夢之祥。

續苑十七

廿

譽表笄年，暗積捫而之。貺蘭襟散馥，蕙問揚翹。懿則重於邦家，柔儀冠於今昔。忠圖孝範，授翠竹而凌霜。媛德嬪容，引青松而冒雪。禮枝合秀，藻七誠於情田。行葉分芳，龍九師於性府。徽猷內湛，韶姿外發。懸明鏡於積水之間，振清飆於長松之上。貞規漢遠，亮節秋高。翠縷紅纁，從來未重。龍梭鳳杼，本自多輕。簡素鄙鞶繡之工，靜默尚韋編之道。明詩習禮，豈唯秋菊之銘。閱史披圖，寧止春椒之頌。學標而縱，開道德之清。闢業契生知，入文章之妙境。曾於方寸，具寫千言。揔遊霧於毫端，窮偃波於筆杪。芝英雲氣，入魏帳而分輝。龍爪魚形，映張池而散彩。嘗題一簡，密記貞心。

置以緘滕藏之屋壁云當使惡無聞於九族善有布於四方指此立身期之必遂後因修宅匠者得之恭王見而歎曰此隆家之女矣昔者書堂欲壞唯聞絲竹之音劔匣將開空覩蛟龍之氣未有仁心暗徹睿德冥通橫宇宙而無違滿乾坤而自應若乃行該莖義孝極而經親枕席而忘疲候晨昏而靡倦及乎風枝不靜露蓼含哀哉履厚莖而無追仰層穹而莫報思欲托三乘之妙果憑五演之元宗永奉嚴親長栖雅志昔隋季喪亂海內沸騰伏豔垂而風塵暗起羣龍戰野旗鼓潛張白騎於是爭馳青犢由之競擾蚩尤則餐沙食石項羽則索鐵申鉤赤眉探盆子之

續苑十七

廿

籌黃巾聚而師之米夫三才合契唯神膺大寶之名六位乘時惟壘運洪鑪之德唐高祖神堯皇帝材雄鵠起業峻龍飛用丹扈而寧王將朱旗而撥亂而綱既紐竟收龍鳳之圖莖角咸清遂翦豺狼之毒無上孝明高皇帝觀時有作應運而生先知赤伏之言須識黃龍之兆功深坐樹績茂披荆負伊鼎而陳謀入張幃而建策龍鈐獨運當赤莖之三千獸節長駢偶皇而之百六息崑山之巨燎並藉中權定滄海之橫流咸資上畧志同魚水契若鹽梅如魏武之得荀攸似漢光之逢鄧禹雖英圖盛烈昭鶴鼎於高門而聞則嬪風闕魚軒於中饋高祖神堯皇帝位膺元首任

切股肱利涉大川寄隆舟楫式崇勲舊為結潘楊酬
功草昧之時賞效雲雷之②高后以孝誠純至雅操
虛冲拒縹禮於移而誓閑襟於爾塗六塵不染孤標
水上之花四諦方披獨晤■中之匪洎乎鳳凰開繇
猶堅匪席之心烏鶴成橋果迫如綸之命於是使桂
陽公主為婚主禮娉所須並令官給既而三○星叶兆
百兩邀歡與松蘿而比茂諧琴瑟而流響風閨少女
龔襲蘭蕙而馳芬匿幌仙娥韻珩璜而動步光生綺殿
比桃李而增鮮影發春樓視雲霞而掩色八絃欽其
雅躅四海挹其鴻徽猶羽翼之宗鸞鳳風雲之隨龍
虎者矣廟見斯畢即拜應因夫至從班例也于時帝

續苑十七

廿三

圖肇建王業願基三戶亡秦覺風塵之斯定四門關
舜識雷雨之將調而無關①之袂壑息崩山之禍主
上方勤庶政屬想羣黎將貽共理之憂式廣求賢之
務無上孝明高皇帝以勲兼竹帛義重金蘭備歷文
武昭昇內外三踐八元之位四臨九百之途中臺飛署
劍之榮南服揔班條之任高后以業光圖大道叶墳
篋欲啓仁明寔具儉助是以量如江海令未發而風
移化穆荆衡澤將流而人悅嘑鷹臺下尚隔去思抵
鵲巖前始歌來晚俄而高祖晏駕瞻脫屣而無留太
祖崩號奉遺弓而積慕沈綿遽軫終無就②之期痼
疾遄淹忽切乘雲之翬高后哀深杞塚誓切柏舟悲

一劍之先沈怨雙桐之半死昔時寶鏡愴對孤鸞舊
②瑤琴悲聞獨鶴銜窻茹痛撫總帳而增號弔影傷
魂踐嬾閨而凝慕方祈淨業敬托良緣憑慧炬於幽
途艤慈舟於覺海於是心持寶偈手寫金言字落實
花詞分半匣龍藏豈及象負難勝將佛②而長懸共
葱燈而不滅及龍旌首次蠶縛遵途永惟憑附之誠
願託丘榛之側方冀鴛栖梓樹近接埏庭鶴舞松枝
傍依墜路特以壘上季居膝下愛切掌中理藉劬勞
方資顧復宣和諭善屢積葭灰②就匣將頻移柘火
至永徽六季壘上母儀萬罔正弑位六宮將開練石
之基乃遂頽沙之社大帝以西京命賞平原之秩未

續苑十七

廿四

⑤東漢崇恩新野之封猶褊於是廣流元帝大啓黃
扉稽石窳之遺塵裂寶符之氣昂以其季十一區時
拜代罔夫至食湯沐邑一千戶品正第一位在王公
母妻之上魚軒水鷺颺輕影於龍池翬服霞明下鮮
文於鳳掖榮由德被位匪恩昇驟應嘉名徒昭洪澤
以顯慶五季十區轉拜榮罔夫至尋改封鄴罔夫至
自家疏槐里門荷禘庭累沐殊輝頻膺茂典南鄰夜
靜奏鐘磬於高臺北里晨通列笙竽於廣榭門有躡
珠之客家豐饌玉之廚恒處逸而思勞每將昇而必
降綠墀青瑣特忿王根火布金地深非梁冀謙搗之
美萬罔仰而知勸端潔之風九圍欽而取則智周寰

宇識洞古今。思所以匡罔庇至。濟時執物。嘉謨讜說。屢發於神襟。厚利豐功。頻彰於帝念。奏便削藁。至莫能知。每以孔光祕言。合爲忠之道。山濤密啓。得事。商銘之要。可久。可大。置黔首於生成。惟幾惟深。頓蒼元於覆。至若緣情體物。屬事比辭。取之以義。方先之以風化。清詞海富。縟藻雲繁。凡所著述。皆成典詞。其動也方。其靜也直。其思也若春雨之流津。其威也若秋霜之應節。接上以禮。逮下以仁。君子感其德。小至歡其惠。而機獨轉。靈臺迴燭。虛鑒與。區齊明。神理共陰。陽比奧。洋洋乎不可得而稱也。既而離宮霧闢。遙橫堊乳之山。別館。開上戴而眉之宿。甘泉避暑。

續苑十七

廿九

方陪萬乘之遊。景福追涼。更扈六龍之駕。不謂災纏霧露。疥積膏肓。丹宸凝慈。召名醫而接軫。紫霄流渥。下玕藥而相望。五釜徒煎。竟乏長生之術。金丹莫就。終無駐壽之期。咸亨元季。八區二。崩於九成宮之山第。春秋九十有二。璧上以身。齊霄極禮。闕晨昏。懸隔九重。望長筵而下泣。心馳五起。瞻厚縟而銜悲。大帝慮不勝哀。祕茲凶問。甚筵欲對。仍流不次之恩。藁服將臨。更下非常之澤。仍改封衛。因夫至。以諭璧上之憂。懸也。后疾將大漸。時落高春。雅志無昏。神情不撓。影隨燈滅。自此長辭。魂逐香銷。終無斲反。以爲合葬。非古禮貴。從宜將追罔極之慈。願在先塋之側。璧

上奉遵遺旨無忝徽音割同穴之芳規就循陔之懿
躅即以其率庚午閏九圍辛丑朔廿一日辛酉遷座
於雍州咸陽縣之洪濱原鄭恭王舊塋之左禮也尔
其郊原坳圯林薄阡眠秦塋關河迴接寶雞之野漢
家墳隴平依金秋之川松檟森沈何率烏住風煙蕭
索幾代至亡於是凝恨九而廢朝三日空山露泣痛
結飛行曠野雲愁悲躔草樹乃下制贈魯國太夫生
謚曰忠烈仍令司刑太常伯盧承慶攝同文正卿充
監護大使右肅機皇甫公義等爲副賜東園祕器每
事官供務從優厚仍令西臺侍郎道因公戴至德持
節弔祭京官文武九品以上及諸親命婦並赴宅弔

續苑十七

哭仍送至渭橋葬事並依王禮給班劍四十二生羽葆
鼓吹儀仗送至墓所往還官爲立碑親紉銜禮壘上
因心轉切錫類方宏希申莫大之懷冀展飾終之請
烏墳欲列思增寸土之儀鶴壠將崇願廣山河之誓
遂得五雲飛彩墜仙液於松塋十日迴光被增輝千
蒿里乃下制贈太原郡王妃餘並如故所司備禮冊
命大帝親御橫門開軒悲哭紫宸哀慟黃屋淒涼而
塋爲之覆光煙雲由其輟色壘上以幽明永隔岵岵
長辭終無再見之因鎮結千秋之恨奔蟻已遠薦霜
莖而無垂逝水難追饋水魚而未已又以嚴規早墜
遠卜厝於鄉墳慈蔭重傾近陪親於京壠陵塋眇隔

長懸兩地之悲。關塞遙分。每切百身之痛。遂命大使備法物。自昊陵迎魂。歸於順陵焉。遊冠遠降。墜鳥遙遷。方移沛邑之魂。更啓嶠山之域。白雲朝起。乍伴龍輜。明匝宵懸。時低蝨衛。文明元季。壘上臨朝。其季九匝。追尊先妃曰魏王妃。食邑一萬戶。實封加滿五千戶。改咸陽園寢曰順義陵。大名而啓。奧壤○分。古樹捎雲。近對黑龍之水。荒墳映匝。傍隣丹鳳之城。徽號既崇。園陵甫廣。畫以圖書。河洛龜負。鳳銜窓闥。方圓雲攢。霧矯合宮。生屋既布。政而嚴禋。玉輦金輿。具巡河而拜洛。永元元季。追尊先妃曰忠孝太后。既而謳歌允佳。訟乞歸。而垂革命之符。荃涌受終之錄。元

續苑十七

七

廷錫再

廷錫讓之率黑

廷錫啓什之運九

莖仙草。依漢殿而拍芳。五色祥雲。繞軒宮而布彩。下從玉望。上應而心。乘寶位於通三。建瑤圖於得一。黃琮蒼璧。祀荃郊。夏廟重簷。宗文祖武。鴻名肇創。光扇闡於幽泉。茂禮加飾。鸞圍於長夜。而殫。追尊曰孝明高皇后。順陵復以。分貝葉瑞演。龍花金容。開十莖之圖。玉相告三。識龍軒黯黯。俄爲兜率之。鳳閣岩岩。忽似須彌之座。金輪既轉。玉鏡方懸。式詮無上之文。肅顯崇親之義。長壽二季。后位之上。又加無上兩字。尋又下制。改順陵曰望鳳臺。東京故事。西漢遺塵。封樹空存。追崇未廣。豈若宸

襟鎮結長懷露序之哀睿念恒纏永積霜旻之慕遙
瞻鳳野式建嘉名遠望鵷郊長懸美稻也哉

續古文苑卷第十七

續苑十七

廿八

